



Survei IDE ke atas 1,761 responden pada 26-30 Ogos 2016

BERITA PENUH MUKA 3

SPR berdepan tindakan undang-undang



Azmin pacu Selangor lebih cemerlang - Wan Azizah



Bas Smart Selangor lebih dominan



PROMOSI PERKAHWINAN

RM15,000/1000pax

PAKEJ LENGKAP

KATERING | DEWAN | PELAMIN
SEPASANG BAJU | MAKEUP | MC
JURUFOTO | DOME 2 SET | KEK 3-TINGKAT
DAN LAIN-LAIN

SRI PAYUNG RESTORAN & KATERING

www.sripayung.com

No 5, Jalan Cempaka 14, Taman Cempaka, 68000 Ampang, Selangor.

PAKEJ CATERING & CANOPY SRI PAYUNG

Kami adalah pakar dalam bidang katering dan memiliki pengalaman yang luas serta mampu menyediakan khidmat anda.

Kami juga menyediakan pakej pakej dan promosi yang semestinya mengikut bajet anda. Jika pakej kami tidak dapat mengikut keperluan anda, kami bersedia untuk membuat pelan alternatif mengikut citarasa dan bajet anda. Takz padoya, anda berpuas hati dengan perkhidmatan kami.

03-9283 2523 | 013-206 2523
013-338 1573
sripayung1323@yahoo.com

Buka 11.00 pagi - 5.00 ptg
Jumaat Cuti

Promosi Restoran Sri Payung

Berlamin SP

Nasi Beriani Kambing RM10.50
Nasi Tomiyah Ayam Meriah RM7.50
Nasi Melayu Daging Hitam RM7.50

SPR gagal jawab isu

MB pilih saluran perundangan

SHAH ALAM - Kerajaan Selangor akan mengambil tindakan undang-undang terhadap cadangan persempadanan semula selepas Suruhanjaya Pilihan Raya (SPR) gagal menjawab isu dibangkitkan berkenaan perkara itu.

Dato' Menteri Besar, Dato' Seri Mohamed Azmin Ali berkata, SPR didapati gagal menangani isu utama dibangkitkan, sekali gus memberi gambaran bahawa badan itu tidak mempunyai justifikasi untuk mengadakan persempadanan semula.

"SPR mesti bertindak dengan cara yang bertanggungjawab

dan tidak mengeneipkan persoalan serius berkenaan perkara asas dan penting yang menyentuh semangat demokrasi," katanya dalam kenyataan, pada 24 September lalu.

Mohamed Azmin berkata, memandangkan kedudukan diambil SPR dalam suratnya itu, beliau dan Kerajaan Negeri akan mengarahkan peguam untuk melihat semua pilihan perundangan yang boleh diambil.

Pada 21 September lalu, surat kepada SPR dihantar dalam tempoh 48 jam bagi mengadakan pertemuan berkenaan cadangan persempadanan semula ka-

wasan pilihan raya.

Mohamed Azmin berkata, pertemuan itu perlu supaya Kerajaan Negeri mendapat maklumat terperinci asas persempadanan semula terbabit.

Katanya, pertemuan itu diputuskan setelah Mesyuarat Majlis Kerajaan Negeri (MMKN) mengambil maklum cadangan SPR dan membantahnya.

Sebelum ini, Kerajaan Negeri mengesahkan sudah menerima jawapan balas daripada SPR terhadap suratnya yang mahu bertemu badan itu bagi membincangkan isu persempadanan semula pilihan raya.



Persempadanan cabul keharmonian rakyat Misi tumpaskan BN

SHAH ALAM - Cadangan persempadanan semula oleh Suruhanjaya Pilihan Raya (SPR) jelas mencabuli keharmonian rakyat Malaysia, kata Ketua Angkatan Muda KEADILAN, Nik Nazmi Nik Ahmad.

Beliau berkata, cadangan itu dibuat berdasarkan konteks kaum dan menghapuskan kerusi campuran sedia ada.

"Semestinya kita kesal dengan cadangan berkenaan yang memecahkan dasar keharmonian

rakyat berbilang kaum.

"Walaupun dengan persempadanan ini, saya percaya tidak mudah juga bagi pembangkang untuk mengambil balik Selangor," katanya kepada SelangorKini.

Sebelum ini, Dato' Menteri Besar, Dato' Seri Mohamed Azmin Ali berkata, tindakan undang-undang dipertimbangkan selepas SPR gagal menjawab isu dibangkitkan.

Cadangan SPR bukan sahaja mengundang bantahan Pakatan

tetapi turut menerima bantahan parti komponen Barisan Nasional (BN).

MCA menyifatkan syor itu sebagai petanda tidak baik bagi sebuah negara berbilang kaum dan agama, sementara MIC turut mengakui tidak gembira dengan cadangan SPR.

Selain itu, Gerakan juga mendakwa persempadanan semula bakal menyaksikan peluang parti itu untuk menang terjejas di beberapa kawasan.

SHAH ALAM - Semua parti politik digesa membentuk kekuatan dan terus fokus mengorak langkah bersama menewaskan Barisan Nasional (BN) demi menjana perubahan buat negara.

Timbalan Presiden KEADILAN, Dato' Seri Mohamed Azmin Ali berkata, walaupun senario politik berubah sejak setahun lalu, namun ia menuntut ketenangan semua pihak menyusun langkah strategik dan bijaksana.

"Kita harus fokus membentuk kekuatan dengan mengambil contoh jelas di Selangor yang inklusif, peduli dan menyantuni rakyat.

"Kita setia kepada rakyat," katanya ketika berucap dalam Majlis Menyantuni Suara Rakyat, Pimpinan Masyarakat Bersama Dato' Menteri Besar di Dewan Jubli Perak, pada 23 September lalu.

Hadir sama, Presiden KEADILAN, Datuk Seri Dr Wan Azizah Wan Ismail; Timbalan Pengerusi Majlis Pimpinan Negeri (MPN) Selangor, Zuraida Kamaruddin; Timbalan Pesuruhjaya PAS, Dato' Dr Ahmad Yunus Hairi; Setiausaha DAP Selangor, Ean Yong Hian Wah; Pengerusi Amanah Selangor, Ir Izham Hashim, Ahli Parlimen dan Ahli Dewan Negeri (ADN).

Pada masa sama, Mohamed Azmin yang juga Dato' Menteri Besar berkata, pertemuan dua negara-wan, Datuk Seri Anwar Ibrahim dan Tun Dr Mahathir yang kembali berjabat tangan selepas 18 tahun membuktikan mereka berjiwa besar.

"Suasana itu diperlukan ketika negara berdepan krisis kepimpinan yang menuntut hala tuju untuk menyelamatkan negara serta memulihkan ekonomi," katanya.

Tiada PRN awal

SHAH ALAM - Dato' Menteri Besar, Dato' Seri Mohamed Azmin Ali sekali lagi menolak saranan supaya Dewan Negeri Selangor (DNS) dibubarkan lebih awal bagi mengadakan pilihan raya negeri (PRN).

Dalam satu kenyataan media yang dikeluarkan pejabatnya baru-baru ini, beliau menegaskan mandat rakyat yang memilih pentadbiran Kerajaan Negeri sedia ada perlu dihormati.

"Mandat disampaikan pengundi kepada Kerajaan Selangor pada Pilihan Raya Umum ke-13 (PRU13) mesti dihormati dan tidak boleh diketepikan demi kepentingan politik," katanya memetik kenyataan Pengarah Komunikasi Strategik di pejabat Dato' Menteri Besar, Yin Shao Loong.

Katanya, usul persempadanan

semula seperti diumumkan Suruhanjaya Pilihan Raya (SPR) perlu memiliki respon seimbang dan jitu bagi mempertahankan Perlembagaan Persekutuan di samping hak demokrasi pengundi.


Justeru, Shao Loong berkata, adalah lebih baik untuk bekerjasama dengan Gabungan Pilihan Raya Bersih dan Adil (Bersih 2.0) dalam melakukan bantahan terhadap usul SPR.

"Demokrasi mesti dipertahankan rakyat. Pengundi perlu menyatakan suara mereka kepada SPR," katanya.

Cadangan persempadanan semula SPR membabitkan 128 kawasan Parlimen dan boleh dibantah Kerajaan Negeri, pihak berkuasa tempatan juga pengundi dalam kelompok 100 orang, sebelum 15 Oktober ini.



KUKUH ILTIZAM... Dato' Menteri Besar, Dato' Seri Mohamed Azmin Ali menurunkan tandatangan dan bergambar kenangan bersama kakitangan awam ketika Majlis Peluncuran Buku 'Membangun Bangsa' di Dewan Jubli Perak, pada 22 September lalu



Kajian Institut Darul Ehsan (IDE)

59% sokong Pakatan, 29% BN

OLEH AFIX REDZUAN

SHAH ALAM - Pengundi Selangor masih meletakkan kepercayaan terhadap Pakatan untuk terus mentadbir negeri termaju itu dengan jumlah sokongan 59 peratus.

Berdasarkan bancian dilakukan Institut Darul Ehsan (IDE), Barisan Nasional (BN) sekadar mendapat 29 peratus sementara 12 peratus lain tidak menyokong sebarang parti.

Timbalan Pengerusi IDE, Prof Dato' Dr Mohammad Redzuan Othman berkata, hasil dapatan itu diperoleh daripada 1,761 responden kajian, pada 26 hingga 30 Ogos lalu.

"Pengundi Selangor lebih cenderung memilih parti diwakili sebagai faktor menentukan pilihan undi 63 peratus berbanding faktor

calon hanya 37 peratus," katanya.

Beliau berkata demikian pada sidang media pembentangan Survei IDE: Isu dan Persepsi Pengundi Selangor di Hotel Carlton Holiday, pada 27 September lalu.

Katanya, Kajian Landskap Politik Selangor 2016 adalah kajian ke-23 dilakukan sejak mengetuai UMcedel dan kini di IDE melibatkan temu bual secara bersemuka dengan jumlah kumulatif seramai 31,341 responden.

Jelas Mohammad Redzuan, 43 peratus rakyat yakin Pakatan mampu kekal sebagai Kerajaan Negeri di Selangor, manakala 39 peratus daripadanya tidak pasti dan 18 peratus lagi memilih tidak.

Namun, 39 peratus memilih tidak pasti sama ada matlamat perjuangan Pakatan menyakinkan untuk kepentingan rakyat.

Berkenaan Pilihan Raya Umum

ke-14 (PRU-14), pengundi Selangor amat teruja untuk turun mengundi dengan perolehan 78 peratus.

Sementara hanya 22 peratus sahaja yang tidak teruja ditambah dengan penggunaan media sosial dijangka merancakkan lagi penyebaran maklumat kepada rakyat.

"Whatsapp dan Facebook adalah aplikasi media sosial tertinggi digunakan di Selangor.

"Untuk 2016, 75 peratus pengundi menggunakan Whatsapp berbanding 67 peratus pada 2015, sementara Facebook kedua dengan 68 peratus dan 58 peratus bagi 2015. Penggunaan e-mel ketiga diikuti Youtube dan Instagram.

"Ini membuktikan masyarakat masih cakna untuk terlibat dalam proses demokrasi," katanya.

Rakyat puas hati

SHAH ALAM - Kecemerlangan diraih Kerajaan Negeri ketika ini ekoran dokongan padu seluruh jenteranya terutama penjawat awam yang mempamerkan perkhidmatan berkualiti demi kemajuan rakyat dan Selangor keseluruhannya.

Dato' Menteri Besar, Dato' Seri Mohamed Azmin Ali berkata, beliau mendapat kerjasama baik daripada semua pihak dalam tempoh dua tahun selaku pemimpin nombor satu negeri.

"Ini bukan pujian tidak berasas, kajian pungutan suara dilaksanakan Merdeka Centre mendapati 73 peratus rakyat Selangor berpuas hati dengan prestasi Kerajaan Negeri hari

ini, termasuk 67 peratus yang bersetuju kita kerajaan mesra rakyat.

"Tanpa ragu, sokongan besar ini adalah undi keyakinan rakyat terhadap seluruh penjawat awam di Selangor di atas kecekapan dan keberkesanan perkhidmatan diberikan. Tahniah," katanya.

Katanya, sokongan daripada semua pihak amat penting ke arah menjayakan agenda digariskan Kerajaan Negeri dalam memastikan negeri terus maju ke hadapan.

Dalam majlis itu, peluncuran buku 'Membangun Bangsa' hasil karyanya sempena sambutan dua tahun sebagai Dato' Menteri Besar turut diadakan.

Tanpa ragu, sokongan besar ini adalah undi keyakinan rakyat terhadap seluruh penjawat awam di Selangor di atas kecekapan dan keberkesanan perkhidmatan diberikan. Tahniah.

MOHAMED AZMIN
Dato' Menteri Besar

Wan Azizah yakin kepimpinan Mohamed Azmin

SHAH ALAM - Presiden KEADILAN, Datuk Seri Dr Wan Azizah Wan Ismail melahirkan keyakinan terhadap kepimpinan Dato' Menteri Besar, Dato' Seri Mohamed Azmin Ali untuk terus memacu Selangor ke arah kecermerlangan.

Katanya, selagi pemimpin negeri menguruskan amanah dengan cemerlang dan bertanggungjawab, keyakinan rakyat terhadap pentadbiran sedia ada terus berkekalan walaupun bakal mengharungi cabaran berbeza.

"Saya menaruh keyakinan tinggi Kerajaan Selangor di bawah pimpinan Dato' Seri Mohamed Azmin Ali berupaya memahami dan melaksanakan kewajipan dengan cemerlang.

"Itu doa dan harapan saya," katanya ketika berucap dalam Majlis Menyantuni Suara Rakyat, Pimpinan Masyarakat Bersama Dato' Menteri Besar di Dewan

Jubli Perak, pada 23 September lalu.

Beliau berkata, petunjuk ekonomi cemerlang di samping pertambahan rizab membuktikan pentadbiran negeri melakukan tugas dengan baik dalam menguruskan amanah rakyat.

Wan Azizah yang juga Ahli Dewan Negeri (ADN) Kajang turut mengingatkan pemimpin perlu bertanggungjawab terhadap amanah diberikan dan tidak menindas rakyat.

"Kepimpinan hari ini berbeza dengan dahulu apabila masyarakat Selangor lebih celik maklumat dan tahu hak masing-masing.

"Kepimpinan yang sentiasa sensitif dan peka dengan keperluan juga kehendak rakyat akan lebih diterima.

"Ini yang kita mahukan supaya rakyat boleh membezakan yang dahulu dan sekarang serta yang baik atau tidak," katanya.



'Membangun Bangsa' rai penjawat awam

SHAH ALAM - Majlis peluncuran buku 'Membangun Bangsa' karya Dato' Seri Mohamed Azmin Ali sempena sambutan dua tahun beliau sebagai Dato' Menteri Besar diadakan, di sini, pada 22 September lalu.

Mengulas berkenaan buku dihasilkan, Mohamed Azmin berkata, ia adalah pengalaman bermakna dilalui sebagai Dato' Menteri Besar dalam tempoh dua tahun bersama pentadbiran Kerajaan Negeri dan semua pihak daripada peringkat atasan hingga ke bawah.

Beliau berkata, buku itu didedikasikan kepada semua pihak berkaitan seperti Setiausaha Kerajaan Negeri, Penasihat Undang-Undang Negeri, Pegawai Kewangan Negeri, Ketua Jabatan, Pegawai Daerah, Datuk Bandar dan Yang Dipertua.

"Buku ini bukan berkenaan

saya tetapi lebih terhadap saudara saudari sekalian, lebih bermakna lagi adalah peranan juga sumbangan anda sebagai penjawat awam kepada kemajuan dan kemakmuran Selangor.

"Begitu juga majlis diadakan ini, bukan untuk saya sebagai Dato' Menteri Besar untuk dua tahun tetapi bagi meraikan sumbangan penjawat awam seluruh Selangor," katanya ketika berucap dalam Majlis 'Memperkukuh Iltizam Memaju Negeri' Penjawat Awam bersama Dato' Menteri Besar.

Hadir sama, Setiausaha Kerajaan Negeri, Dato' Mohd Amin Ahmad Ahyia; Penasihat Undang-Undang Negeri, Dato' Nik Suhaimi Nik Sulaiman; Pegawai Kewangan Negeri, Dato' Noordin Sulaiman; barisan Exco Kerajaan Negeri dan Ahli Dewan Negeri (ADN).

Persimpangan bertingkat LDP-Puchong Utama

Baiki aliran trafik

OLEH NAZLI IBRAHIM

PUCHONG - RM18 juta secara pinjaman diberikan kepada Majlis Perbandaran Subang Jaya (MPSJ) bagi membiayai sebahagian kos pembinaan persimpangan bertingkat dari Lebuhraya Damansara-Puchong (LDP) ke Jalan Utama 2, Puchong Utama.

Dato' Menteri Besar, Dato' Seri Mohamed Azmin Ali berkata, projek bernilai RM28.99 juta itu turut ditanggung syarikat pema-ju yang terlibat dengan pemba-ngunan di sekitar lebuhraya terbabit.

"Kita sedia maklum di mana-mana perbandaran, sekalipun isu utamanya bagaimana Kerajaan Negeri dan pihak berkuasa tem-patan (PBT) juga pihak swasta dapat bekerjasama membentuk sinergi bagi mengatasi masalah trafik di kawasan berkenaan.

"Kawasan ini amat memerlukan

kan persimpangan bertingkat supaya ada perhubungan antara LDP dengan perumahan yang sedang rancak membangun khu-susnya Puchong Utama, Puchong Perdana dan Batu 14," katanya ketika merasmikan persimpangan bertingkat itu, di sini, pada 23 September lalu.

Hadir sama, Ahli Dewan Negeri (ADN) Sri Serdang, Noor Hanim Ismail; ADN Kinrara, Ng Sze Han dan Yang Dipertua MPSJ, Dato' Nor Hisham Ahmad Dahlan.

Mohamed Azmin berkata, projek yang bermula pada 17 Febu-ari 2014 itu berjaya disiapkan pada 24 Ogos lalu sebelum di-buka secara rasmi kepada peng-guna jalan raya, bermula 1 Okto-ber ini.

"Projek membabitkan pembi-naan persimpangan bertingkat sepanjang 1,500 meter ini adalah hasil inisiatif dan kerjasama MPSJ, pihak swasta juga ADN," katanya.



Fenomena terburuk sejak 1952

KLANG - Penduduk di Kampung Tok Muda, Kapar, di sini, menyifatkan kejadian banjir akibat fenomena air pasang besar, bermula 18 September lalu adalah yang terburuk setakat ini.

Ketua Kampung, Hihailani Surit, 69, berkata banjir kali ini adalah yang kedua berlaku selepas 1952 dan berada di luar jangkaan penduduk setempat.

"Kebanyakan penduduk terkejut kerana banjir berlaku pada awal pagi dan air begitu cepat naik ke rumah.

"Justeru, kita mahu semua penduduk kampung sentiasa berwaspada," katanya kepada Sela-

ngorKini.

Bagi Azizah Jumeri, 52, kejadian itu membuatkan beliau sekeluarga panik selepas terjaga daripada tidur.

Katanya, mereka hanya menyedari air naik ke rumah kira-kira jam 7 pagi ekoran air terlalu deras.

"Kami sekeluarga baru sampai dari Terengganu lewat malam itu dan kerana terlalu penat, tidak sedar air sudah masuk ke dalam rumah separas betis sehingga dikejutkan adik ipar.

"Kami tidak menyangka berlaku banjir kerana ini kali pertama terjadi selepas berpindah ke sini, kira-kira 10 tahun lalu," katanya.

Siap sedia fenomena air laut pasang besar

KAPAR - Kerajaan Negeri bersiap sedia bagi menghadapi fenomena air pasang besar yang dijangka melanda semula, pada pertengahan Oktober ini.

Dato' Menteri Besar, Dato' Seri Mohamed Azmin Ali berkata, Kerajaan Negeri sudah mengarahkan agensi terbabit dan Jabatan Pengairan dan Saliran (JPS) negeri untuk membaiki benteng yang pecah dan uzur.

"Mengikut ramalan kaji cuaca, insiden sama akan berlaku lagi, pada pertengahan Oktober disusuli November juga Disember.

"Sebelum insiden ini berlaku, kita minta semua agensi untuk membaiki benteng lemah supaya tiada lagi masalah benteng atau ban pecah, pada masa akan datang," katanya.

Beliau berkata demikian ketika ditemui di pusat pemindahan mangsa banjir di Dewan Orang



Ramai Kampung Tok Muda, di sini, pada 21 September lalu.

Menyifatkan fenomena kali ini sebagai luar biasa, Mohamed Azmin turut meminta semua pihak termasuk penduduk berada dalam keadaan berjaga-jaga bagi menghadapi situasi itu jika berulang.

"Salah satu punca banjir adalah

air pasang besar melebihi 5.6 meter dan ia luar biasa, justeru kita ambil perhatian untuk memantau semua ban sepanjang pantai di seluruh Selangor.

"Keutamaan akan diberikan pada kawasan yang berkemungkinan berlaku banjir kilat seperti ini," katanya.

Dua tahun yang mencabar

PUCHONG - Walaupun tempoh dua tahun yang dilalui Dato' Seri Mohamed Azmin Ali sebagai Dato' Menteri Besar adalah singkat, namun beliau menyifatkannya sebagai perjalanan jauh lagi mencabar.

Katanya, beliau memikul cabaran mentadbir Selangor yang juga negeri maju bagi memastikan ekonomi negeri terus kukuh demi manfaat rakyat.

"Saya gembira kerana mempunyai pasukan kuat dalam kalangan Ahli Dewan Negeri (ADN) dan penjawat awam yang mendukung dasar diluluskan dalam sidang De-

wan Negeri Selangor (DNS) juga Mesyuarat Majlis Kerajaan Negeri (MMKN).

"Komitmen kami adalah untuk terus bekerja kuat," katanya ketika merasmikan Persimpangan Bertingkat dari Lebuhraya Damansara-Puchong (LDP) ke Jalan Utama 2, Puchong Utama, di sini,

Mohamed Azmin berkata, Kerajaan Negeri berjaya menghasilkan semangat kerjasama kuat dan hubungan baik dengan pihak berkepentingan bagi membolehkan rancangan pembangunan dilaksanakan dengan teratur, sepan-

jang dua tahun pentadbirannya.

"Kita sedang meneliti belanjawan 2017 dan disebabkan kedudukan kewangan negeri berada pada tahap kukuh, maka kita akan memastikan belanja pembangunan diteruskan juga dipertingkatkan untuk kemakmuran serta kesejahteraan rakyat di negeri ini," katanya.

Dalam majlis itu, Mohamed Azmin turut menerima kejutan daripada Majlis Perbandaran Subang Jaya (MPSJ) dengan sambutan ringkas sempena ulang tahun kedua pentadbirannya.

Kebajikan warga emas dipeduli

Sultan Selangor rasmi Bait Al-Mawaddah

OLEH SYASYA SUFIAN

SHAH ALAM - DYMM Sultan Selangor, Sultan Sharafuddin Idris Shah berkenan merasmikan Pusat Jagaan Warga Emas Zakat Selangor dikenali Bait Al-Mawaddah di Jalan Kebun, pada 27 September lalu.

Bait Al-Mawaddah bermaksud Rumah Kasih Sayang dibina Lembaga Zakat Selangor (LZS) di atas tanah wakaf seluas 1.501 ekar milik Majlis Agama Islam Selangor (Mais).

Pengurus LZS, Tan Sri Dato' Seri Syed Anwar Jamalullail berkata, pusat itu mampu menampung 52 penghuni dilengkapi 26 bilik.

"Rumah jagaan ini juga turut

menyediakan kemudahan klinik, bilik fisioterapi, surau, bilik kuliah, dewan makan dan taman landskap kepada penghuni.

"Berkonsepkan Baiti Al-Jannati (rumahku syurgaku), pusat jagaan ini menekankan enam aspek utama iaitu pembangunan kerohanian, kebajikan warga emas, penjagaan dan perlindungan, emosi, fizikal dan intelek, rawatan kesihatan serta bimbingan dan kaunseling," katanya.

DYMM Tengku Permaisuri Selangor, Tengku Permaisuri Nora-shikin Abd Rahman turut menceburi ke perasmian itu selain dihadiri Dato' Menteri Besar, Dato' Seri Mohamed Azmin Ali dan Exco Kerajaan Negeri.



Hari Terbuka Smart Selangor pikat perhatian awam

PETALING JAYA - Smart Selangor Delivery Unit (SSDU) menyediakan beberapa ruang pameran inisiatif *smart solutions* di ICT Fair yang berlangsung, pada 24 dan 25 September lalu.

Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad berkata, ia selaras dengan misi Smart Selangor yang dilaksanakan Kerajaan Negeri.

Katanya, program julung kali diadakan itu kemungkinan dijadikan sebagai acara tahunan.

"Namun, kita tidak mahu tertumpu kepada kawasan bandar sahaja tetapi turut meliputi

kawasan luar bandar bagi mengurangkan jurang digital antara penduduk bandar dan luar bandar," katanya selepas merasmikan Selangor ICT Fair 2016 Encorp Strand Mall, di sini.

Dalam pameran itu, Pembedaan Menteri Besar (MBI) mempamerkan inisiatif Wifi Smart Selangor, *Early Intervention Program* untuk perkembangan kanak-kanak, teknologi 'drone' oleh SITEC juga model aplikasi *smart city* oleh Celcom Axiata Berhad dan Glocomp XaaS Sdn Bhd.

SSDU turut mengadakan sesi pembentangan Smart Selangor dan kaji selidik bagi menilai ta-

hap kesedaran juga pengetahuan orang awam terhadap agenda itu serta penerimaan mereka terhadap inisiatif yang sedang dilaksanakan.

Antara agensi negeri yang turut memaparkan inisiatif mereka di ruang pameran itu adalah Unit Korporat dan Sektor Setiausaha Kerajaan Negeri (SUK), Bahagian Pengurusan Sumber Manusia SUK, Universiti Selangor (Unisel), Majlis Bandaraya Shah Alam (MBSA), Majlis Bandaraya Petaling Jaya (MBPJ), Majlis Perbandaran Ampang Jaya (MPAJ), Pejabat Tanah dan Daerah Petaling juga MBI.

Usaha mantapkan Smart Selangor

SHAH ALAM - Usaha memantapkan gagasan Smart Selangor membawa Kerajaan Negeri ke China selama lima hari, pada 25 September hingga 29 September lalu.

Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad berkata, lawatan kerja itu bagi meninjau produk 'smart state' dan 'smart city' di negara berkenaan.

Katanya, produk yang sesuai berkemungkinan akan dibawa pulang dan dilaksanakan di Selangor.

"Kita memilih China kerana negara itu sudah melaksanakan konsep ini dengan kos yang efektif.

"Ia juga realistik untuk kita melihat China yang memiliki pembangunan seiring berbanding negara yang jauh ke hadapan seperti Amerika Syarikat dan Korea Selatan," katanya kepada SelangorKini.

Antara yang menyertai delegasi kali ini adalah wakil SUK, pejabat Exco, Pembedaan Menteri Besar (MBI), Jabatan Perancangan Bandar dan Desa (JPBD), Majlis Agama Islam Selangor (Mais) dan beberapa pemain industri.

Program termasuk melawat Huawei Technologies Company dan ZTE Corporation di wilayah Shenzhen.

SELANGOR SIDANG PENGARANG

PENASIHAT: Lembaga Editorial CCSB

KETUA PENGARANG: Cecelia Alphonsus

PENGARANG: Nurul Farina Nazlan

PENOLONG PENGARANG: Mohd Ezli Mashut, Naeem Raffi, Afeeqa Afeera

WARTAWAN:

Hafizan Taib: hapizantaib@mediaselangor.com,

Nazli Ibrahim: nazli@mediaselangor.com,

Afix Redzuan: syafiq@mediaselangor.com,

Lizawati Madfa: lizawati@mediaselangor.com,

Norhayati Umr: hayati@mediaselangor.com,

Syasya Sufian: syazwanisufian@mediaselangor.com

Ermizi Muhamad: noraizie@mediaselangor.com

PENGURUS PEMASARAN & PENGIKLANAN:

Budi Setyawan: budi@mediaselangor.com | 013 399 2848

JURUGAMBAR: Asri Sapfie, Raheemie Arifin & Shuaib Ayob

GRAFIK & REKA LETAK: Unit Grafik CCSB

Aras 2, Carlton Holiday Hotel & Suites, No 1, Persiaran, Akuatik 13/43, Seksyen 13, 40100, Shah Alam, Selangor
Tel: 03-5523 4856 Faks: 03-5523 5856 Emel: info@mediaselangor.com

Kerja pengukuhan benteng

Lagi RM4.5 juta diluluskan

OLEH NAZLI IBRAHIM

PUCHONG - RM4.5 juta diluluskan untuk memastikan kerja pengukuhan benteng sepanjang persisiran pantai Selangor dijalankan sebelum fenomena air pasang besar dijangka melanda semula, pada Oktober, November juga Disember ini.

Dato' Menteri Besar, Dato' Seri Mohamed Azmin Ali berkata, peruntukan itu diluluskan pada taklimat khas Jabatan Pengairan dan Saliran (JPS) Selangor juga agensi berkaitan kepada Ahli Majlis Mesyuarat Kerajaan Negeri (MMKN), pada 22 September lalu.

"JPS diarah melihat kekuatan benteng di sepanjang persisiran pantai Selangor khususnya di ka-

wasan yang terlibat dengan banjir baru-baru ini iaitu Sabak Bernam, Kuala Selangor, Klang dan Kuala Langat.

"Arahan sudah diberikan, malahan peruntukan juga diluluskan bagi memastikan kerja pengukuhan benteng dapat disiapkan sebelum pertengahan Oktober supaya air laut tidak dapat membolosi benteng dan menimbulkan masalah kepada penduduk kampung," katanya.

Katanya, Kerajaan Negeri juga mengarahkan JPS mengeluarkan notis amaran bertulis kepada semua penduduk terlibat supaya lebih bersiap sedia menghadapi air laut pasang tinggi dan mengelakkan kerosakkan harta benda masing-masing.



JPS selesai baiki ban rosak

SABAK BERNAM - Ban rosak dan putus ekor fenomena air pasang besar di dua lokasi di Sungai Air Tawar selesai dibaiki Jabatan Pengairan dan Saliran (JPS).

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, tindakan segera itu memungkinkan 15 keluarga daripada Program Pembangunan Rakyat Termiskin (PPRT) Sungai Air Tawar dibenarkan pulang dari pusat pemindahan banjir.

"Kerajaan Negeri mengambil langkah segera bagi menghalang kemasukan air laut di kawasan terlibat.

"Kerosakan ban di Kampung Sungai Lang dan Kampung Sungai Apong juga dalam proses pembaikan segera," katanya kepada SelangorKini.

Pada 20 September lalu, Zaidy melakukan tinjauan di beberapa ban pecah di sekitar Sabak Bernam susulan beberapa kawasan pantai di Selangor mula mengalami fenomena air pasang besar luar biasa seperti yang berlaku, pada 2006.

Kerosakan ban di Kampung Sungai Lang dan Kampung Sungai Apong juga dalam proses pembaikan segera

ZAIDY ABDUL TALIB
Exco Infrastruktur dan Kemudahan Awam, Pemodenan Pertanian dan Industri Asas

Beliau berkata, hal itu berlanjutan tahun ini khususnya pada minggu ketiga setiap bulan dan paras air dijangka mencecah sehingga 5.7 meter.

"Penduduk di penempatan berhampiran diminta berjaga-jaga kemungkinan berlakunya banjir.

"Penduduk juga diingatkan untuk sentiasa peka dengan maklumat terkini serta mematuhi arahan pihak berkuasa dari masa ke masa," katanya.



Naik taraf ban Sungai Lang

SABAK BERNAM - Sejumlah RM3.5 juta diperuntukkan bagi projek melebar dan meninggikan ban sepanjang 730 meter (m) di Sungai Lang, di sini.

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, peruntukan itu meliputi nilai keseluruhan kontrak termasuk kos kajian dan reka bentuk.

"Kerja naik taraf ban dijangka bermula Oktober ini selepas tender ditutup, bulan ini.

"Projek ini antara lain membuktikan Kerajaan Negeri sentiasa manifestasikan sikap kepedulian rakyat," katanya kepada SelangorKini.

Bermula 18 September lalu, fenomena air pasang besar menyebabkan beberapa kawasan

pantai di Sepang, Kuala Langat, Klang, Kuala Selangor dan Sabak Bernam mengalami banjir.

Keadaan arus deras itu juga turut menyebabkan beberapa ban pecah dan rosak.

Laporan Pasang Surut Air Laut daripada Pusat Hidrografi Nasional mencatatkan paras air pasang di Pelabuhan Klang untuk beberapa hari agak tinggi.

Dapatkan maklumat tepat projek PR1MA

SHAH ALAM - Menteri Kesejahteraan Bandar, Perumahan dan Kerajaan Tempatan, Tan Sri Noh Omar diingatkan supaya mendapatkan maklumat tepat berkenaan projek Perbadanan Perumahan Rakyat 1Malaysia (PR1MA) di Selangor.

Exco Perumahan, Pengurusan Bangunan dan Kehidupan Bandar, Dato' Iskandar A Samad berkata, Kerajaan Negeri sentiasa berbilang dengan PR1MA, malahan terdapat beberapa cadangan sudah dipersetujui dalam usaha membina lebih banyak kediaman mampu milik.

"Tan Sri Noh kerap menyerang Kerajaan Negeri mungkin disebabkan beliau sebagai menteri tidak mempunyai agenda perumahan rakyat yang besar seperti menteri sebelum ini.

"Kalau setakat tuduh tanpa fakta terperinci, itu bukan standard menteri tetapi standard ketua Umno cawangan," katanya.

Beliau berkata demikian ketika mengulas dakwaan Noh bahawa Kerajaan Negeri menimbulkan masalah berkenaan pembinaan rumah mampu milik untuk rakyat yang dirancang Kerajaan Persekutuan.

Iskandar berpendapat, Noh

mengeluarkan kenyataan sedemikian kerana tidak mempunyai maklumat lanjut berkenaan projek PR1MA di Selangor, tambahan PR1MA bukan di bawah kendalian beliau tetapi Perdana Menteri.

"Mungkin tiba masanya PR1MA diletakkan di bawah Kementerian Noh supaya menteri bertanggungjawab tidak diketepikan lagi. Sekarang kami hanya berunding dengan PR1MA tanpa wakil Kementerian.

"Terpulang kepada PR1MA untuk memberi taklimat kepada Kementerian kerana Kerajaan Negeri tiada masa untuk itu," katanya.

Tan Sri Noh kerap menyerang Kerajaan Negeri mungkin disebabkan beliau sebagai menteri tidak mempunyai agenda perumahan rakyat yang besar seperti menteri sebelum ini

ISKANDAR A SAMAD
Exco Perumahan





'Hotspot' biak Aedes

Awas kompaun RM500

OLEH ERMIZI MUHAMAD

BANGI - Kompaun RM500 di bawah Akta Serangga bakal dikenakan bagi setiap 'hotspot' yang dikenal pasti sebagai tempat pembiakan Aedes, kata Exco Kesihatan, Kebajikan, Pembangunan Wanita dan Keluarga, Dr Daroyah Alwi.

Beliau berkata, ketetapan itu dibuat selaras Akta Pemusnahan Serangga, Pembawa Penyakit 1975 yang menuntut pesalah dikenakan denda bagi setiap kesalahan.

"Apabila kita mendapati wujudnya tempat pembiakan Ae-

des dan habitat jentik-jentik, kompaun akan dikenakan kepada syarikat atau pemilik kediaman.

"Contohnya, setiap satu lopak air yang dikenal pasti menjadi punca bakal dikenakan kompaun RM500," katanya ketika Program Terjah Denggi dan Zika di Kolej Universiti Islam Selangor (Kuis), di sini, pada 21 September lalu.

Terdahulu, Dr Daroyah bersama Majlis Perbandaran Kajang (MPKj) dan Jabatan Kesihatan Negeri mengadakan lawatan mengejut di tapak pembinaan rumah, di Seksyen 3, di sini.

Hadir sama, Yang Dipertua MPKj, Mohd Sayuthi Bakar; Ahli Dewan Negeri (ADN) Bangi, Shafie Ngah dan Rektor Kuis, Profesor Dr Ab Halim Tamuri.

Pada masa sama, tiga lokasi 'hotspot' denggi dikenal pasti di kawasan itu yang menuntut pembersihan segera daripada syarikat kontraktor.

Jabatan Kesihatan Negeri turut mengambil sampel air takungan di persekitaran kawasan pembinaan bagi mengkaji tahap kualiti air terbabit.

Sehingga kini, Selangor mencatatkan 46 kematian ekor denggi sejak Januari lalu.

KUIS tubuh 'Skuad Denggi' pupuk kesedaran mahasiswa

BANGI - Kolej Universiti Islam Selangor (Kuis) menjadi peneraju kepada gerak kerja kesedaran bahaya denggi di peringkat institusi pengajian tinggi (IPT) menerusi penubuhan 'Skuad Denggi'.

Inisiatif itu dilaksanakan bagi memupuk kesedaran mahasiswa terhadap kepentingan kebersihan di kawasan persekitaran tempat belajar dan penginapan asrama.

Menyambut baik usaha itu, Exco Kesihatan, Kebajikan, Pembangunan Wanita dan Keluarga, Dr Daroyah Alwi berkata,

pendekatan itu wajar dicontohi pusat pendidikan tinggi lain di seluruh negeri.

"Apa yang dilakukan Kuis adalah sangat positif dan kita nampak kesungguhan mereka secara proaktif untuk mengekang denggi dalam kalangan pelajar.

"Pendekatan ini mampu menjana kefahaman lebih meluas kepada ahli Skuad Denggi itu sendiri dan mahasiswa lain untuk menyebarkan maklumat terhadap bahaya denggi," katanya.

Pada masa sama, Dr Daroyah berkata, Kerajaan Negeri giat

melaksanakan kempen kesedaran serta penubuhan pasukan khas memantau persekitaran sekolah yang berpotensi menjadi habitat Aedes.

"Dalam perbincangan kita, Kerajaan Negeri turut menggalakkan supaya sekolah seluruh negeri mewujudkan pasukan denggi.

"Pada masa sama, *Kids Volunteer* di peringkat tadika juga ditubuhkan menerusi aktiviti kebersihan dan gotong-royong denggi di kawasan persekitaran masing-masing," katanya.

Ke arah revolusi sifar denggi

BANGI - Tumpuan dan gerak kerja memerangi Aedes terus dipergiatkan ke seluruh negeri bagi memastikan penularan wabak itu diselesaikan segera.

Exco Kesihatan, Kebajikan, Pembangunan Wanita dan Keluarga, Dr Daroyah Alwi berkata, Kerajaan Negeri komited memastikan masalah denggi diatasi sepenuhnya sebagai jaminan kesejahteraan rakyat.

Katanya, ia termasuk inisiatif dan gerak kerja bersama agensi kerajaan untuk mengenal pasti penyebab kepada denggi.

"Kita sudah jalankan semak-sima mungkin pelbagai cara termasuk penggunaan bahan kimia yang dilaksanakan di peringkat pihak berkuasa tempatan dan pejabat kesihatan daerah.

"Inisiatif dan gerak kerja ini

menghasilkan kesan yang agak baik dalam usaha Kerajaan Negeri secara konsisten ke arah sifar denggi," katanya.

Pada masa sama, Dr Daroyah berkata, penularan wabak denggi dikenal pasti berpunca daripada kawasan tapak pembinaan dan projek perumahan.

Justeru, katanya, tumpuan berkenaannya wajar diberi perhatian seluruh anggota masyarakat ke arah merealisasikan komitmen sifar denggi.

"Sepanjang program terjah dijalankan, kita dapati persekitaran tapak binaan menjadi kawasan utama penyebab pembiakan denggi.

"Kawasan ini agak luas dan menjadi penyumbang kepada persekitaran pembiakan Aedes di Selangor," katanya.



Kerjasama IPT, sekolah perangi denggi

SHAH ALAM - Kerajaan Negeri menyokong sebarang usaha penubuhan jawatankuasa memerangi wabak denggi terutama di sekolah atau institusi pengajian tinggi (IPT).

Exco Pendidikan, Pembangunan Modal Insan, Sains & Teknologi dan Inovasi, Nik Nazmi Nik Ahmad berkata, in-

isiatif itu perlu diutamakan bagi mengelakkan denggi terus menular dan membahayakan pelajar.

"Memerangi wabak denggi sesuatu yang perlu diutamakan dan sebarang inisiatif yang membantu mengurangkan penyebaran wabak ini perlu digalakkan.

"Kerjasama semua pihak termasuk IPT atau sekolah juga dialu-alukan," katanya ketika mengulas cadangan penubuhan skuad denggi di peringkat sekolah dan IPT di bawah Kerajaan Negeri.

Sebelum ini, Kolej Universiti Islam Selangor (Kuis) menjadi peneraju kepada gerak kerja kesedaran bahaya denggi di peringkat institusi pendidikan menerusi penubuhan 'Skuad Denggi'.

Inisiatif itu dilaksanakan bagi memupuk kesedaran mahasiswa terhadap kepentingan kebersihan di kawasan persekitaran tempat belajar dan penginapan asrama.

Memerangi wabak denggi sememangnya sesuatu yang perlu diutamakan dan sebarang inisiatif yang membantu mengurangkan penyebaran wabak ini perlu digalakkan

NIK NAZMI
Exco Pendidikan,
Pembangunan Modal
Insan, Sains & Teknologi
dan Inovasi



Pinda akta baru

Halang kebebasan pengamal media

OLEH ERMIZI MUHAMAD

SHAH ALAM - Pindaan akta yang diputuskan di peringkat Persekutuan berterusan menghalang prinsip kebebasan demokrasi kepada pengamal media di Malaysia.

Tokoh wartawan negara, Datuk A Kadir Jasin berkata, keadaan bertambah buruk apabila wujud 'kebebasan' daripada peguam negara dalam melaksanakan undang-undang yang menyekat kebebasan untuk melaporkan kebenaran membabitkan kerajaan pentadbir.

Katanya, pindaan akta yang diluluskan itu jelas melanggar fundamental kemanusiaan,

sekali gus menyebabkan keadaan berkenaan sukar diterima. "Persoalan berkenaan merdeka atau tidak media kita itu sudah lama dibincangkan dan jawapannya tetap sama.

"Atas prinsip itulah memerlukan kebertanggungjawaban daripada wakil rakyat untuk membela kita bukannya membiarkan pindaan undang-undang terus menekan," katanya.

Beliau berkata demikian pada sesi wacana; Merdekakah Media Kita anjuran Sinar Harian di Auditorium Universiti Selangor (Unisel), pada 20 September lalu.

Wacana itu turut disertai Ketua Pengarang Projek Malay Mail Online (Projek MMO), Fathi Aris

Omar; Dekan Fakulti Komunikasi Seni Visual dan Perkomputeran Unisel, Profesor Dr Azmuiddin Ibrahim juga aktivis media, Gayathry Venkiteswaran.

Pada masa sama, A Kadir berkata, kemajuan teknologi semasa yang kian dinikmati masyarakat dilihat tidak seimbang dengan dasar keterbukaan yang sewajarnya diberikan kepada pengamal media.

"Kita semakin menikmati kemajuan itu, daripada segi teknologi kita maju, namun di satu aspek kita diburu ketakutan dan dihalang bergerak ke hadapan.

"Kita lebih mundur ke belakang," katanya.

30 akta sekat laporan kritik kerajaan

SHAH ALAM - Halangan berterusan kepada pengamal media hanya meletakkan situasi lebih parah kepada prinsip demokrasi media berbanding negara jiran seperti Indonesia.

Ketua Pengarang Projek Malay Mail Online (Projek MMO), Fathi Aris Omar berkata, beliau dimaklumkan sekurangnya terdapat 30 akta menyekat kebebasan media dalam pelbagai cara di negara ini.

"Perkara inilah menjadi momok atau hantu yang akan terus membayangi leher setiap wartawan," katanya ketika sesi wacana; Merdekakah Media Kita anjuran Sinar Harian di Auditorium Universiti Selangor (Unisel), pada 20 September lalu.

Mengulas lanjut, Fathi yang

juga jurucakap Gerakan Media Marah (Geramm) turut mengaitkan sentimen perundangan negara seakan dipinda dan melanggar prinsip keadilan juga lahiriah kemanusiaan.

Beliau mengambil contoh insiden penangkapan bekas wartawan, Sidek Kamiso di bawah Akta SKMM yang membolehkan penahanan dibuat sewenang-wenangnya.

"Isunya kita berdepan masalah pendefinisan yang terlalu umum dan memerlukan hal yang lebih khusus untuk dianggap jenayah.

"Kalau tidak dikaji, apa sahaja isu melawak atau mengeluarkan komen terus sahaja dianggap kasar sedangkan kritikan itu tidak semestinya bersifat jenayah," katanya.

Universiti Malaysia 980 terbaik dunia

SHAH ALAM - Tujuh universiti di negara ini tersenarai antara 980 teratas dalam Ranking Universiti Dunia Times Higher Education (THE) 2016-2017.

Universiti Kebangsaan Malaysia (UKM), Universiti Putra Malaysia (UPM), Universiti Sains Malaysia (USM) dan Universiti Teknologi Malaysia (UTM) berada dalam kelompok 601-800, manakala Universiti Teknologi MARA (UiTM) dalam kelompok 801 ke atas.

Sementara itu, Universiti Teknologi Petronas (UTP) dan Universiti Utara Malaysia (UUM) buat pertama kali berjaya tersenarai dengan masing-masing dalam kelompok 601-800 dan 801 ke atas.

"Ia adalah berita yang hebat apabila tujuh universiti Malaysia berada dalam senarai terbaru universiti terbaik dunia, termasuk lima yang berada dalam kelompok 601-800," kata pengarang Ranking Universiti Dunia THE, Phil Baty.

Memetik Bernama, Baty berkata, Malaysia melakukan pela-

buran besar dalam pengajian tinggi dan memasarkannya sebagai ekonomi pengetahuan juga hab inovasi sejak kebelakangan ini.

"Bagaimanapun, universiti awam negara ini berdepan pemotongan bajet 15 peratus tahun ini, selepas ekonomi terjejas akibat penurunan harga minyak dan komoditi," katanya.

Secara keseluruhan, 21 universiti dari rantau ini berjaya berada dalam senarai itu tahun ini, berbanding 15 universiti tahun lalu dan Filipina tersenarai untuk kali pertama, manakala Indonesia berjaya menggandakan jumlahnya kepada dua.

Lima universiti terbaik dunia adalah Universiti Oxford, United Kingdom yang berada di tempat pertama, diikuti California Institute of Technology dan Stanford University, kedua-duanya di Amerika Syarikat; Universiti Cambridge, United Kingdom di tempat keempat dan Massachusetts Institute of Technology, Amerika Syarikat di kedudukan kelima.

Siapa Ketua Pembangkang DNS?

SUBANG JAYA - Tiada perkembangan positif berhubung saranan Dewan Negeri Selangor (DNS) supaya Barisan Nasional (BN) menamakan ketua pembangkang sebelum dewan bersidang.

Speaker DNS, Hannah Yeoh berkata, kegagalan Umno-BN menamakan calon untuk jawatan itu membuktikan kelemahan amalan demokrasi parti itu mengangkat prinsip bersuara di dalam dewan.

"Umno-BN masih belum menamakan mana-mana individu daripada parti itu untuk diangkat sebagai Ketua Pembangkang di DNS," katanya kepada SelangorKini.

Kegagalan itu sekali gus menimbulkan persoalan berkenaan komitmen Ahli Dewan Negeri (ADN) daripada BN membawa suara rakyat diwakili mereka.

Sebelum ini, BN menamakan Datuk Mohd Shamsudin Lias sebagai Ketua Pembangkang DNS, sebelum melepaskan jawatan kononnya atas prinsip integriti.

Susulan itu, BN negeri disaran menyemak semula keputusan itu walaupun memutuskan untuk memilih Mat Nadzari Ahmad Dahlan (ADN Batang Kali) sebagai Penyelaras ADN BN.

Bagaimanapun, Hannah berkata, keperluan untuk jawatan itu tidak diiktiraf DUN di kawasan

terbabit.

"Dalam DNS, memang tidak diiktiraf jawatan penyelaras ADN kerana hanya jawatan ketua pembangkang sahaja diambil kira untuk terima semua keperluan juga elaun disediakan.

"Selain itu, hanya ketua pembangkang sahaja diberi keutamaan untuk menjadi pembahas terawal ketika perbahasan belanjawan negeri dalam sidang DNS nanti," katanya.

Pada masa sama, pihaknya juga sudah menghantar dua surat rasmi kepada pimpinan BN Selangor untuk melantik Ketua Pembangkang bagi memantau pentadbiran DNS.





Ratusan pekerja Petronas bakal hilang kerja

SHAH ALAM - The Wall Street Journal (WSJ) melaporkan ratusan pekerja Petronas Nasional Berhad (Petronas) berdepan kemungkinan terpaksa mencari kerja baru ekoran langkah pengurangan pekerja syarikat gas dan minyak itu.

Agensi berita antarabangsa itu melaporkan, Petronas sedang meneliti untuk memotong lebih 700 kerja susulan harga minyak yang berterusan rendah.

Ia juga memetik kenyataan Petronas, pada 20 September lalu yang menyebut syarikat itu terus menyemak semula strategi perniagaan dan tahap perjawatan untuk menyesuaikan dengan perubahan berkenaan.

"Amalan 'transformasi' itu membabit-

kan keseluruhan kumpulan Peronas termasuk di peringkat anak syarikat.

"Lebih banyak maklumat akan didekahkan pada masa sesuai," lapor Petronas.

Syarikat itu pada Mac lalu mengumumkan lebih 1,000 kerja bertindih di bawah amalan transformasi itu dan usaha sedang dilakukan untuk menempatkan semula pekerja terjejas.

Menurut WSJ, Petronas memiliki 53,000 pekerja setakat penghujung tahun lalu, berdasarkan laporan tahunan.

Pada Ogos lalu, 86 peratus keuntungan Petronas berkurangan pada suku terakhir susulan harga minyak yang murah.

Polis didakwa lepas tangan

PETALING JAYA - Keadilan dan justifikasi keadaan sebenar mangsa tembakan polis diperlukan bagi mengembalikan kepercayaan masyarakat terhadap badan itu.

Keluarga mangsa, Devendran Uvarajan, 30, berkata polis seakan lepas tangan dalam insiden tembakan yang menyebabkan kematian adiknya, S Uvarajan dan Mohamad Shahril Sugumaran Abdullah, pada 19 Ogos lalu.

"Dalam semakan, mereka mendakwa adik cuma terlibat dalam satu kes rekod pergaduhan tetapi ketua polis mendakwa kepada media, adik terlibat dalam empat kes pembunuhan.

"Mengapa polis mengeluarkan dakwaan sedemikian? Kami perlukan penjelasan, bila saya tanya polis yang bertugas itu semudahnya jawab, dia tidak terlibat," kesalnya.

Ketika kejadian, media melaporkan

kedua mangsa melepaskan tembakan ke arah polis dalam satu sekatan jalan raya di Lebuhraya Selayang-Kepong.

Polis berkata, kedua mangsa mati ditembak di tempat kejadian selain turut menjumpai 11 paket dadah, dua pistol, sembilan telefon bimbit dan dua kad pengenalan yang dipercayai bukan milik mangsa.

"Kalau benar adik saya ditembak, mengapa di badannya penuh dengan kecederaan lain selain kesan tembakan?"

"Lebih menimbulkan persoalan apabila tangan mereka juga terdapat kesan seolah-olah digari," katanya.

Sementara itu, ibu Mohamad Shahril Sugumaran, P Saratha, 53, turut mempersoal tindakan polis berhubung insiden terbabit.

"Anak saya terlalu muda dan kalau benar dia buat salah, adakah berbaloi tindakan dilakukan polis itu?" katanya.

Mangsa kes tembakan

Keluarga mohon siasat

OLEH **ERMIZI MUHAMAD**

PETALING JAYA - Inkues dan siasatan menyeluruh membabitkan kes tembakan dilepaskan anggota Polis Diraja Malaysia (PDRM) difailkan di Mahkamah Tinggi Shah Alam, pada 2 September lalu.

Ia susulan kematian Mohamad Shahril Sugumaran Abdullah dan S Uvarajan dalam satu sekatan jalan raya di Lebuhraya Selayang-Kepong, pada 19 Ogos lalu.

Peguam, M Visvanathan berkata, permohonan inkues secara serentak membabitkan kedua mangsa dibuat bagi membenarkan proses bedah siasat kali kedua dijalankan.

"Permohonan inkues dibuat terhadap mangsa, Shahril Sugumaran membolehkan supaya kubur mangsa digali untuk kebenaran proses bedah siasat kali kedua.

"Cara ini sahaja dapat mengenal pasti punca sebenar kematian mangsa sama ada benarkah mangsa ditembak mati atau diceredahkan," katanya pada sidang media di Pejabat Suara Rakyat Malaysia (SUARAM), baru-baru ini.

Pendengaran lanjutan permohonan inkues akan didengar semula, pada 7 Oktober ini di Mahkamah Tinggi Shah Alam.

Sebelum ini, keluarga mangsa mendakwa wujud pertikaian berkenaan fizikal mayat kedua mangsa yang mengalami kecederaan selain kesan tembakan.

"Ia sesuatu yang amat mencurigakan apabila bukan hanya kesan tembakan tetapi wujud kecederaan lain pada anggota tubuh badan mangsa sekali gus menimbulkan kecurigaan status sebenar kematian mereka," katanya.

Polis mendakwa tembakan dilepaskan selepas kenderaan Proton Waja dipandu mangsa berada dalam keadaan mencurigakan, sebelum kedua-dua mangsa melepaskan tembakan ke arah polis.

Ketika kejadian, polis menjumpai 11 paket dadah, dua pistol, sembilan telefon bimbit dan dua kad pengenalan yang dipercayai bukan milik mangsa.

Sementara itu, Pengarah Esekutif Suaram, Sevan Doraisamy menggesa siasatan menyeluruh dijalankan bagi menuntut keadilan kepada keluarga kedua-dua mangsa.

"Perkara ini tidak boleh dipandang enteng dan perlu disiat dengan telus pada kadar segera supaya keadilan dapat diketahu," katanya.



KILANG UNTUK DIJUAL

PUTRA INDUSTRIAL PARK @ PUCHONG

UNTUK
BUMIPUTERA
SAHAJA

- * Keluasan tanah dari 1 ekar
- * Hakmilik Pajakan
- * Untuk Bumiputera Sahaja

Agensi Pemasaran:

Worldland Realtors Sdn Bhd

E(1)1668

Tel : 012-329 4488 / 03-7726 9022

Pemaju:

Alpha Variamas Sdn Bhd (622747-X)

7-2, Tingkat 2, The Boulevard Mid Valley City, Lingkaran Syed Putra,
59200 Kuala Lumpur.

Tel : 03-2282 6633 Fax : 03-2282 6648

Laman Web : www.tanming.com.my



58% rakyat sokong kepimpinan Mohamed Azmin

SHAH ALAM - 58 peratus rakyat di Selangor bersetuju bahawa Dato' Menteri Besar, Dato' Seri Mohamed Azmin Ali seorang yang berkarisma dengan kepimpinannya.

Sokongan itu diperolehi daripada 1,761 responden kajian semasa dilakukan Institut Darul Ehsan (IDE), pada 26 hingga 30 Ogos lalu.

Timbalan Pengerusi IDE, Profesor Dato' Dr Mohammad Redzuan Othman berkata, kepimpi-

nan Mohamed Azmin diterima semua peringkat umur antara 21 hingga lebih 60 tahun dengan sokongan sehingga 60 peratus.

Mengikut pecahan kaum, Mohamed Azmin diterima kaum Melayu, Cina dan India sekitar 55 hingga 58 peratus.

Bagi kajian 'Perkembangan Ekonomi Negeri Selangor Meningkatkan Sokongan Kepada Pakatan', 52 peratus responden menyokong, sementara 29 pe-

ratus memilih 'tak pasti' dan 20 peratus lagi memilih 'tidak'.

Berkenaan inisiatif Smart Selangor yang perlu menjadi fokus Kerajaan Negeri untuk dilaksanakan segera, *Smart Education* menjadi tumpuan utama dengan 28 peratus.

Smart Transport and Mobility, *Smart Governance* dan *Smart Waste Management* pula masing-masing kedua dengan 27 peratus diikuti *Smart Water Management* (26 peratus).

Selangor negeri serantau

Menuju ekonomi global

OLEH HAFIZAN TAIB

SHAH ALAM - Selangor perlu terus bergerak ke hadapan mencatat kemajuan di peringkat global selaras hasrat Kerajaan Negeri menerusi agenda Smart Selangor.

Dato' Menteri Besar, Dato' Seri Mohamed Azmin Ali berkata, tidak lagi mencabar bagi Selangor sebagai negeri termaju di negara ini sekadar bersaing bersama negeri lain.

"Mulai sekarang, Selangor perlu tampil sebagai negeri global atau sekurang-kurangnya negeri serantau, harus ada imaginasi Selangor laksana sebuah 'negara'.

"Aset Selangor yang unggul adalah jumlah rakyat terbesar diupayakan dengan kemahiran juga bakat demi peningkatan produktiviti negeri,"katanya ketika berucap dalam Majlis 'Memperukuh Iltizam Memaju Negeri' Penjawat Awam bersama Dato' Menteri Besar, di sini, pada 22 September lalu.

Pada masa sama, Mohamed Azmin berkata, sentiasa berlaku perubahan dalam konteks Asia Tenggara dengan banyak pemain baru muncul melalui penggabungan pasaran perniagaan serta menjalankan urusan merentasi sempadan dalam sekelip mata.

"Antara perkara lain, Komuniti Ekonomi Asean (Asean Economic Community) menuntut Selangor menyahut cabaran global supaya hubungan perdagangan dapat menjamin pertumbuhan dan kemakmuran masyarakat Asean termasuk Selangor,"katanya.

Di bawah pentadbiran Kerajaan Negeri, pelbagai kemajuan diraih termasuk pencapaian ekonomi membanggakan dengan terbaru jumlah kewangan disatukan mencecah RM3.603 bilion, pada 31 Ogos lalu.

Ia sekali gus mengatasi pencapaian RM3.258 bilion, pada tahun lalu.

Mencerminkan Bandar yang diwarnai Alam Semula Jadi

Pelancaran Rasmi

1-2 Okt 2016
Sabtu & Ahad • 11pg. - 6ptg.

Galeri Jualan Twinz Residences
C-2-1, SetiaWalk, Puchong
(Di hadapan Starbucks)

Koordinat GPS : 3.0316876, 101.6171858


Bufet akan disediakan * Terakut kepada terma dan syarat.

- ✓ 6-7 unit di setiap tingkat dan di lengkapi dengan 3 lif eksklusif
- ✓ 24 jam keselamatan 3 peringkat
- ✓ 2 tempat letak kereta untuk setiap unit
- ✓ Podium kemudahan mewah
- ✓ Dikelilingi oleh pusat pendidikan tempatan dan antarabangsa
- ✓ Berhampiran Stesen LRT
- 10 peluang cabutan hadiah untuk pembelian rumah*

Sila Hubungi :
03-5879 1038 / 010-228 1038 / 017-227 1221 www.twinz.com.my

YGS Property Development Sdn Bhd (1053054-W), C-2-1, Setia Walk, Persiaran Wawasan, Pusat Bandar Puchong, 47160 Puchong, Selangor Darul Ehsan | Type of Property: Serviced Apartment | Housing Developer's License No.: 13918-1/03-2017/01991 | Validity Period: 10/03/2015 - 09/03/2017 | Permit No.: 13918-1/03-2017/01991 | Validity Period: 10/03/2015 - 09/03/2017 | Approving Authorities: Majlis Perbandaran Subang Jaya | Building Plan Reference No.: MPSJ/BGN/600-1/10/4(BP4-S) | Land Tenure: Freehold | Total No. of Units: 278 units | Expected Completion Date: June 2018 | 10% Discount for Bumiputera | Built-up Areas: From 871 sq ft | Land Encumbrances: RHB | Selling Price: RM526,000.00 (min) - RM1,400,000.00 (max)

Semua maklumat spesifikasi, perspektif, artikel dan rancangan-rancangan yang terkandung dalam bahan dicetak ini adalah tertakluk kepada perubahan tanpa notis terlebih dahulu sebagaimana yang dikehendaki oleh pihak berkuasa atau perunding projek pemuja dan tidak boleh menjadi sebahagian daripada mana-mana tawaran atau kontrak



Anwar Ibrahim paling berpengaruh

SHAH ALAM - Ketua Umum KEADILAN, Datuk Seri Anwar Ibrahim masih menjadi pilihan selaku tokoh pembangkang yang mampu menjadi pemimpin Malaysia berdasarkan bncian dilakukan Institut Darul Ehsan (IDE) pada 26 hingga 30 Ogos lalu.

Timbalan Pengerusi Institut Darul Ehsan (IDE), Prof Dato' Dr Mohammad Redzuan Othman berkata, dengan jumlah 30 peratus Anwar mengatasi mantan Perdana Menteri, Tun Dr Mahathir Mohamad ditempat kedua dengan 24 peratus sementara bekas Timbalan Perdana Menteri, Tan Sri Muhyiddin Yassin ketiga (17 peratus).

"Berdasarkan bncian 'Keperluan Menerajui Pimpinan Kerajaan Malaysia

untuk Mengembalikan Kecemerlangan Negara', Anwar memperoleh sokongan 40 peratus sementara mengikut pecahan kaum, India memberikan sokongan tertinggi sebanyak 46 peratus,"katanya.

Di bawah bncian 'DSAI telah dizalimi dan perlu dibebaskan segera dari penjara', 51 peratus bersetuju dengan perkara itu manakala 29 peratus 'tidak pasti' dan 20 peratus memilih 'tidak'.

Mengikut pecahan kaum, Cina menyatakan sokongan tertinggi dengan 57 peratus diikuti India (55 peratus) dan Melayu (47 peratus).

Jumlah itu meningkat lapan peratus berbanding hanya 43 peratus memilih 'ya' dalam bncian yang dibuat pada November 2015.



Selesai masalah air kurang 48 jam

Bukti amanah rakyat dipeduli

OLEH ERMIZI MUHAMAD

SHAH ALAM - Kerajaan Negeri terus konsisten menyelesaikan isu masalah bekalan air tercemar di Sungai Semenyih, baru-baru ini.

Exco Pelancongan Alam Sekitar, Teknologi Hijau dan Hal Ehwal Pengguna, Elizabeth Wong berkata, ia termasuk penyelesaian kadar segera dibuat agensi terlibat ke arah memastikan bekalan air bersih terus terjamin.

"Saya amat menghargai tindakan diambil semua agensi termasuk Lembaga Urus Air Selangor (LUAS) dan Jabatan Alam Sekitar Selangor (JAS).

"Masalah ini berjaya dikawal dalam tempoh kurang 48 jam dan ketika ini kita dapat lihat loji rawatan juga beroperasi dalam kapasiti penuh kepada pengguna," katanya.

Sebelum ini, peruntukan hampir RM1 bilion dikeluarkan Kerajaan Negeri untuk pembaikan dan kesejahteraan rakyat.

Ia termasuk kos bagi pembinaan Loji Rawatan Air Semenyih 2 dan Labohan Dagang; Projek Mitigasi 2 dan 3 juga kerja mengganti 23 paip dijangka siap, pada 2017 dan 2018.

Mengulas lanjut, Elizabeth berkata, Kerajaan Negeri mengambil pendirian positif memikul amanah dipertanggungjawabkan demi kesejahteraan dan kebajikan rakyat.

"Biasalah dalam sejuta orang, bukan semuanya akan bersetuju. Mungkin ada 10,000 orang tidak sehaluan.

"Namun, Kerajaan Negeri masih tetap positif ke arah itu," katanya ringkas mengulas dakwaan Pengerusi Barisan Nasional Selangor, Tan Sri Noh Omar kononnya pentadbiran negeri tidak konsisten menyelesaikan isu air.

Jangan bimbang projek talian elektrik

CHERAS - Penduduk di Taman Cheras Hartamas tidak perlu bimbang berkenaan keselamatan mereka dalam projek talian penghantaran elektrik yang kini dijalankan Tenaga Nasional Berhad (TNB).

Exco Infrastruktur, Kemudahan Awam, Pemodenan Pertanian dan Industri Asas Tani, Zaidy Abdul Talib berkata, tinjauan dijalankan mendapati TNB memenuhi syarat juga spesifikasi keselamatan ditetapkan Kerajaan Negeri dan pihak pemantau keselamatan projek terbabit.

"Setakat ini, wakil penduduk dan sekolah tadika berdekatan merasa lega dengan penjelasan diberikan TNB.

"Bagaimanapun, Kerajaan Negeri akan terus melakukan pemantauan dari semasa ke semasa bagi memastikan projek ini sentiasa mengutamakan keselamatan penduduk," katanya.

Beliau berkata demikian selepas mengadakan lawatan di tapak projek talian penghantaran elektrik 275/132 KV di Taman Cheras Hartamas, di sini, baru-baru ini.

Lawatan itu turut disertai Kumpulan Ikram Sdn Bhd yang terlibat memantau isu ketahanan tanah dan Unit Perancang Ekonomi Negeri Selangor (UPEN).

Pada masa sama, Zaidy berkata, Kerajaan Negeri turut mengenakan syarat tambahan kepada TNB seperti memasang pagar keselamatan sepanjang laluan talian elektrik dan menara juga melaporkan kemajuan projek kepada Kerajaan Negeri secara berterusan.

"TNB juga disaran memastikan langkah pencegahan banjir kilat dilaksanakan mengikut spesifikasi ditetapkan bagi mengawal air larian permukaan jika berlaku hujan lebat," katanya.

Elak jadi mangsa Zika

KELANA JAYA - Masyarakat disarankan bertindak agresif atas kesedaran sendiri memastikan persekitaran rumah bersih daripada tempat pembiakan Aedes.

Ahli Dewan Negeri (ADN) Damansara Utama, Yeo Bee Yin berkata, masyarakat perlu terlebih dahulu bertindak melenyapkan nyamuk Aedes kerana haiwan itu mendorong kepada wabak denggi dan Zika.

"Kebanyakan penduduk sering menyalahkan kerajaan apabila berlaku kes demam denggi dan Zika kerana tempat awam tidak bersih, namun kajian pejabat kesihatan daerah mendapati separuh daripada kes berpunca daripada rumah.

"Justeru, penduduk perlu mengambil inisiatif menghapuskan tempat pembiakan nyamuk dengan memastikan tiada takungan air jernih yang boleh mengundang

kewujudan jentik-jentik," katanya kepada SelangorKini.

Bee Yin berkata, kes demam denggi di sekitar kawasan hotspot menunjukkan pengurangan seperti di SS21 dengan dua kes, SS22 (empat kes), SS25 (dua kes) dan SS17A (empat kes).

Selain itu, penduduk juga dinasihatkan untuk mendapatkan 'repellent' iaitu sejenis losyen atau semburan bagi mencegah gigitan nyamuk.

"Pemakaian gelang, 'sticker' atau klip pencegah tidak memberi perlindungan sepenuhnya dengan efektif berbanding losyen atau semburan.

"Penduduk yang mempunyai urusan di tempat potensi Zika seperti Singapura disaran juga membawa dan memakai 'repellent' bagi melindungi badan daripada gigitan nyamuk Aedes," katanya.



KARNIVAL MINI MEGA SALES SMART SELANGOR 2016


Tarikh :

30 September, 1 & 2 Oktober 2016


Tempat :

Dataran TESCO Semenyih


Arjutan :



Dengan Kerjasama :



Disokong Oleh :



ORANG RAMAI DIJEMPUT HADIR MEMERIAHKAN KARNIVAL PELBAGAI AKTIVITI MENARIK DAN JUALAN HARGA MURAH DARIPADA :

- UPTOWN D'PELANGI TAMAN PELANGI SEMENYIH
- CAR BOOT SALE (CBS) KINI 'HOT' DI SEMENYIH
- KURSUS KEUSAHAWANAN PERCUMA • SELANGOR SOCIAL MEDIA RETAIL TRANSFORMATION ENTREPRENEURSHIP PROGRAM SMART
- TAKLIMAT DAN KAUNTER PENDAFTARAN PERNIAGAAN SSM (SURUHANJAYA SYARIKAT MALAYSIA)
- TAKLIMAT DAN KAUNTER MESRA PELANGGAN JABATAN PELESENAN DAN PENJAJA MPK
- BENGKEL PENGENALAN ASAS VOKAL PERCUMA BERSAMA GURU VOKAL SELEBRITI ROY
- PERTANDINGAN NYANYIAN ETNIK KREATIF 2016 PENYERTAAN RM10.00 SAHAJA
- KAUNTER KHIDMAT PELANGGAN PINJAMAN MIKROKREDIT HURAH SELANGOR

HUBUNGI PEGAWAI PENYELARAS MPK :

PN. NOREHAN (016-266 9425), EN. HAIZAN AZNI (016-609 3054) & EN. KHAIRUL AZMAN (013-476 2562)



▲ Ahli Parlimen Petaling Jaya Selatan, Hee Loy Sian menghadiri penutupan Seminar Pendidikan Sekolah anjuran Majlis Bandaraya Petaling Jaya



▲ ADN Dusun Tua, Razaly Hassan turun padang menyantuni skuad daftar pemilih DUN beliau sambil meneliti keadaan kemah yang disediakan



▲ ADN Kota Aggerik, Yaakob Sapari menghadiri Jamuan Makan Durian bersama penduduk setempat



▲ ADN Selat Klang, Dr Halimah Ali mengedarkan kuih bulan kepada penduduk di Bagan Hailam



▲ ADN Sekinchan, Ng Suee Lim melakukan lawatan sambil belajar ke Cameron Highland bersama Pusat Wanita Berdaya DUN beliau



▲ Ahli Parlimen Ampang, Zuraiddin Kamaruddin berkesempatan melawat dan menyantuni masyarakat di Bazaar Hijrah Peringkat Ampang



▲ ADN Damansara Utama, Yeo Bee Yin turun padang mengedarkan risalah virus Zika dan denggi kepada penduduk setempat



▲ Ahli Parlimen Sepang, Hanipa Maidin turun padang menyantuni hadirin di Karnival Komuniti Sepang



▲ ADN Batang Kali, Mat Nadzari Ahmad Dahlan menyampaikan hadiah kecemerlangan kokurikulum kepada pelajar Maktab Rendah Sains Mara Kuala Kubu Bharu

Bas Percuma Smart Selangor

Lebih dominan, sistematik

OLEH ERMIZI MUHAMAD

Inisiatif perkhidmatan Bas Smart Selangor terus diyakini memberikan impak positif kepada rakyat berkait sistem perkhidmatan awam lebih dominan dan selesa.

Pelaksanaannya membuahkan hasil dengan lebih 911,969 penumpang menggunakan perkhidmatan tersebut di seluruh negeri sejak dilancarkan.

Exco Pelaburan, Perindustrian (IKS) & Perdagangan dan Pengangkutan, Dato Teng Chang Khim berkata, peningkatan jumlah itu mendorong komitmen Kerajaan Negeri menyediakan kemudahan terbaik.

"Angka ini menunjukkan peningkatan dan kita terus memantau perkembangan termasuk kebarangharian dihadapi," katanya.

#SmartSelangor

Buktinya, peruntukan tambahan RM10 juta dikeluarkan bagi melaksanakan perkhidmatan bas percuma secara menyeluruh supaya manfaat itu dapat dinikmati pengguna termasuk luar bandar.

Bahkan, Dato' Menteri Besar, Dato' Seri Mohamed Azmin Ali dalam pembentangan Belanjawan 2016 lalu memfokuskan ke arah pembangunan *Smart State* mencakupi pelaksanaan kemudahan awam mesra pengguna.



Teng Chang Khim

Keberkesannya, perkhidmatan Bas 'Smart Selangor' diwujudkan bertujuan mengurangkan penggunaan pengangkutan persendirian sebagai langkah pengurangan karbon dan menuju ke arah 'Negeri Hijau'.

Kemudahan ini sekali gus menawarkan

'pilihan' yang lebih terbuka kepada orang ramai untuk menggunakan perkhidmatan awam selain kemudahan sedia ada misalnya, transit aliran ringan (LRT), komuter, monorel dan teksi sebagai kaedah mengurangkan kesesakan lalu lintas.

"Kerajaan Negeri bukan sahaja membekalkan laluan tapi juga rangkaian bas secara menyeluruh menghubungkan laluan di LRT, MRT dan BRT," kata Chang Khim.



Keberkesanan pengangkutan awam negara dipertikai

Bagaimanapun, baru-baru ini digemparkan dengan insiden kegagalan sambungan elektrik yang terputus membabitkan kemudahan pengangkutan awam, LRT di laluan Kelana Jaya-Gombak, pada 7 dan 9 September lalu.

Amat mengecewakan, apabila aspek keselamatan pengguna juga harus dipertikai apabila pengguna 'diarahkan' berjalan di atas landasan dalam keadaan hujan.

Lebih memalukan, kejadian berlaku dalam tempoh dua kali seminggu, sekali gus menimbulkan persoalan bagaimana pihak berwajib, mengendalikan perkhidmatan terbabit.

Perkara sama turut dibangkitkan pengguna bandar yang menggunakan kemudahan awam untuk ke Universiti, pejabat dan urusan lainnya.

Bagi penuntut IPT, Muhammad Afifudin Muda, 21, yang menggunakan pengangkutan awam untuk ke Kuala Lumpur, sistem pengurusan aliran LRT, komuter dan

monorel diharapkan mampu memainkan fungsi sebenar kepada masyarakat.

Namun, insiden yang berlaku baru-baru ini cukup mencerminkan bagaimana tahap kebimbangan terhadap isu dan permasalahan dibangkitkan orang ramai terhadap sistem pengangkutan awam negara.

"Sistem pengangkutan negara memerlukan tumpuan terhadap aspek keselamatan, penyelenggaraan dan kemudahan yang lebih positif kepada masyarakat.

"Keutamaan ini bagi membolehkan masyarakat mendapat kemudahan secara berkesan demi keselamatan pengguna," katanya.

Sementara itu, Muaz Mohd Azmin, 23, mengharap supaya pelaksanaan pengangkutan awam diselenggara dengan lebih berkesan bagi meyakinkan masyarakat awam berkenaannya.

Selangor komited perkasa pengangkutan awam demi rakyat

Atas kapasiti itulah, Chang Khim berkata, Kerajaan Negeri komited untuk menyediakan perkhidmatan

Kemudahan ini sekali gus menawarkan 'pilihan' yang lebih terbuka kepada orang ramai untuk menggunakan perkhidmatan awam selain kemudahan sedia ada misalnya, transit aliran ringan (LRT), komuter, monorel dan teksi sebagai kaedah mengurangkan kesesakan lalu lintas.

bas secara percuma bagi meningkatkan keselesaan dan kepentingan rakyat selaras dengan pembangunan pesat dan peningkatan penduduk di Selangor.

Beliau berkata, ia juga satu bentuk usaha sama antara Kerajaan Negeri dengan pihak berkuasa tempatan dan syarikat bas terpilih iaitu Rapid Bus Sdn Bhd untuk menyediakan kemudahan terbabit.

"Semua Bas Smart Selangor mempunyai ciri yang lengkap dengan kemudahan tempat duduk keutamaan, berkapasiti 60 penumpang, kemudahan Wifi dan mesra orang kelainan upaya (OKU)," katanya.

Malahan sepanjang memulakan operasinya, perkhidmatan ini belum menerima sebarang aduan permasalahan sama berkait isu sistem pengangkutan awam, di Kuala Lumpur.

Perkembangan ini sekali gus membawa dimensi positif kepada hala tuju pembangunan infrastruktur dan kemudahan awam di bawah hala tuju pentadbiran Pakatan di Selangor.

- Kapasiti 60 orang penumpang
- Mesra Oku dan bebas halangan
- Tempat duduk keutamaan
- Sistem maklumat penumpang
- Perkhidmatan Wifi

WAKTU OPERASI

SETIAP HARI

6 pagi - 10 malam

KEKERAPAN PERJALANAN

15-20 minit

OLEH NAZLI IBRAHIM

Jika urus tadbir gagal

Malaysia akan jadi seperti Greece?

Malaysia berisiko hilang keupayaan membayar hutang atau secara ringkasnya dianggap sebagai negara muflis sekiranya kerajaan gagal mengatasi masalah salah urus tadbir kewangan dan memulakan amalan pengurusan kewangan yang cekap dan berhemah.

Antara tanda sesebuah negara mula dihambat masalah hutang tinggi yang boleh membawa kepada muflis apabila kerajaan negara terbabit terpaksa memotong perbelanjaan penting seperti dilakukan Greece.

Kerajaan Greece pada awalnya mengambil langkah memotong perbelanjaan melibatkan pelbagai sektor penting, memberhentikan kakitangan awam, mengadakan pembaharuan skim pencen dan beberapa langkah lain bagi mengurangkan perbelanjaan.

Sementara di Malaysia pula, kerajaan diterajui Datuk Seri Najib Razak juga sudah mula memotong perbelanjaan bagi sektor pendidikan dan kesihatan sementara mengekalkan amalan berbelanja besar dalam sektor yang tidak memberikan impak positif terhadap pertumbuhan ekonomi.

Greece mengambil tindakan itu bagi menampung kehilangan 15 peratus pendapatan daripada dua industri terbesarnya iaitu perkapalan dan pelancongan akibat krisis kewangan global 2008 yang memberi impak negatif ke atas kadar pertumbuhan Keluaran Dalam Negara Kasar (KDNK).

Manakala Malaysia pula, mengambil langkah itu apabila ringgit mengalami kejatuhan mendadak hingga menyebabkan negara terbeban dengan tanggungan hutang pokok dan kadar faedah lebih tinggi.

Malaysia juga melalui fasa kemerosotan sebahagian besar pendapatannya apabila pasaran minyak dunia mengalami kejatuhan harga minyak secara besar-besaran sejak beberapa tahun kebelakangan ini.

Akibatnya, keuntungan bersih Petronas jatuh 57 peratus kepada RM23.8 bilion dalam tempoh sembilan bulan berakhir 30 September 2015 berbanding RM54.9 bilion pada tempoh sama tahun sebelumnya.

Pendapatan Petronas merosot 25 peratus kepada RM187.6 bilion berbanding RM249.8 bilion bagi tempoh sama tahun sebelumnya.

Cukai baru menampung kemerosotan pendapatan

Bagi menggantikan kehilangan sumber pendapatan daripada perkapalan dan pelancongan, Greece mengambil langkah menaikkan cukai dan pembaharuan skim pencen.

Kerajaan Malaysia sudah mula memotong perbelanjaan bagi sektor pendidikan dan kesihatan serta memperkenalkan cukai baru iaitu Cukai Barangan dan Perkhidmatan (GST).

Laporan media pada Disember 2013, Najib sendiri berkata Malaysia akan berhadapan dengan risiko muflis sekiranya GST tidak dilaksanakan.

Greece turut melaksanakan sistem cukai seakan GST yang dikenali dengan cukai nilai tambah (VAT) pada kadar antara 4.5 peratus hingga 23 peratus.

Jika Greece terpaksa mengambil langkah mengawal pengeluaran deposit oleh penyimpan bagi membolehkan bank-banknya terus bertahan, di Malaysia sudah terdapat bank yang mengecilkan operasinya dengan langkah menutup cawangan mereka di lokasi difikirkan sesuai.

Sementara itu, sikap Greece yang berterusan berbelanja besar termasuk ketika menganjurkan temasya Sukan Olimpik 2004 yang mencecah RM37.7 bilion memburukkan lagi keadaan ekonominya.

Sikap sama turut diamalkan di Malaysia apabila kerajaan masih berhasrat berbelanja besar ke

atas projek yang tidak memberi pulangan impak positif daripada segi ekonomi seperti projek Taman Tugu yang menelan kos RM650 juta.

Sementara itu, jumlah sebenar dana yang dianggarkan mencecah puluhan bilion ringgit lesap dalam skandal 1Malaysia Development Berhad (1MDB) terus menjadi persoalan.

Pada Jun lalu, Oxford Economy yang berpangkalan di United Kingdom memberi amaran kepada Malaysia berhubung penurunan penarafan kredit akibat timbunan hutangnya yang semakin meningkat termasuk 1MDB iaitu perkara sama pernah dialami Greece.

Memetik laporan Nikkei Asian Review menyatakan hutang awam Malaysia meningkat kepada 54.5 peratus daripada KDNK pada tahun 2015, lonjakan tertinggi 40 peratus berbanding pada 2008 dan hanya tinggal 0.5 peratus sebelum mencecah siling hutang 55 peratus.

Keadaan ini adalah berbeza berbanding Indonesia dan Thailand apabila hutang awam masing-masing 29 peratus dan 31 peratus daripada KDNK.

Walaupun masih jauh berbanding dengan Greece yang mencatatkan 176.9 peratus, namun trend hutang luar negara Malaysia menunjukkan pertumbuhan merisaukan daripada RM247 bilion pada 2007 meningkat kepada RM740 bilion seperti dinyatakan Kementerian Kewangan, pada Mac 2015.

Jumlah ini mampu bertambah ekoran masih tiada tindakan drastik bagi mengawal perbelanjaan negara oleh Putrajaya kecuali memotong perbelanjaan sektor yang melibatkan kepentingan rakyat sahaja.

Sekiranya jumlah hutang dijamin kerajaan diambil kira,

jumlah ini mampu meningkat sehingga mencecah 60 ke 70 peratus berbanding KDNK.

Korupsi tinggi antara faktor ekonomi Greece runtuh

Mantan Timbalan Pengarah Bank Negara Malaysia (BNM), Dr Rosli Yakob berkata, persamaan antara Greece dan Malaysia yang paling membimbangkan adalah peningkatan insiden korupsi yang menjadi punca keruntuhan ekonomi Greece.

"Kadar rasuah yang tinggi turut menyumbang kepada kegagalan sesebuah negara membayar hutang masing-masing dan ditambah pula meningkatnya insiden korupsi dalam negara kita sebab hari ini Malaysia antara yang paling korup di dunia sama seperti Greece juga hadapi insiden korupsi antara yang paling teruk di Eropah.

"Sama seperti Greece, kita juga berhadapan dengan suasana politik yang kurang stabil dengan pemerintah semakin hilang kepercayaan, mencuri duit rakyat yang menuju ke arah kebangkrutan," kata Dr Rosli ketika dihubungi SelangorKini.

Menurut Suruhanjaya Eropah (EC), Greece merupakan negara paling tinggi tahap rasuah dalam kalangan negara Kesatuan Eropah (EU).

Agensi penguatkuasaan negara itu seperti kastam, polis dan polis marin dikatakan banyak terlibat dalam rasuah bagi penyeludupan komoditi haram yang lari daripada cukai.

Sebelum krisis kewangan Greece bermula pada penghujung 2009, perbelanjaan bagi projek pembangunan negara itu dikatakan kerap terlebih sehingga

Kadar rasuah yang tinggi turut menyumbang kepada kegagalan sesebuah negara membayar hutang masing-masing dan ditambah pula meningkatnya insiden korupsi dalam negara kita sebab hari ini Malaysia antara yang paling korup di dunia sama seperti Greece juga hadapi insiden korupsi antara yang paling teruk di Eropah

DR ROSLI YAKOB

Mantan Timbalan Pengarah Bank Negara Malaysia (BNM)

ga mencecah 6 hingga 10 peratus berbanding kos sebenar gara-gara rasuah.

The Telegraph dalam satu laporannya pada Februari 2010 menyebut Greece juga dikesan melakukan penipuan angka ekonomi oleh EC apabila bertindak menyembunyikan angka defisit sebenar dengan hutang tersembunyi bernilai 40 bilion euro bagi membolehkan Greece menyertai zon euro, meneruskan amalan perbelanjaan besar dan mendapatkan pinjaman luar.

Keadaan ini membuktikan tidak mustahil sekiranya langkah sama turut diambil oleh mana-mana kerajaan lain yang diketahui mempunyai masalah urus tadbir kronik bagi mengelabui mata rakyatnya, sekali gus merasionalkan amalan perbelanjaan boros mereka.



Tingkat kerjasama pelancongan seni budaya

OLEH ERMIZI MUHAMAD

SHAH ALAM - Prospek pelancongan dan kebudayaan negeri diperluas menerusi program jalinan kerjasama antara Taichung, Taiwan.

Exco Pelancongan dan Alam Sekitar, Teknologi Hijau dan Hal Ehwal Peng-

guna, Elizabeth Wong berkata, Selangor terbuka untuk mengadakan peluang kerjasama tersebut di peringkat serantau.

"Menerusi kerjasama ini, mereka menjemput kita untuk terlibat dalam satu penganjuran festival budaya dan pelancongan besar-besaran di sana.

"Tentunya keberkesanan peluang ini mampu mengukuhkan lagi hubungan budaya dan pelancongan khasnya antara Selangor dan Taichung," katanya kepada SelangorKini.

Beliau berkata demikian selepas menerima kunjungan delegasi Taichung, Taiwan di Bangunan Sultan Salahuddin Abdul Aziz Shah (SUK), pada 27 September lalu.

Pertemuan terbabit turut membincangkan hala tuju pelancongan budaya jangka panjang antara kedua-dua negeri.

Elizabeth berkata, Kerajaan Negeri sentiasa menyokong sebarang usaha

dan inisiatif pembangunan mencakupi budaya dan pelancongan serantau.

"Delegasi ini juga hadir bagi mempromosikan program pelancongan termasuk pameran lukisan, budaya seni, teknologi dan pendidikan yang turut dibincangkan dalam pertemuan ini.

"Menerusi penganjuran festival akan datang juga, Selangor turut diundang pada tahun hadapan untuk mempromosikan persembahan budaya negeri di peringkat luar," katanya.

Difahamkan, 200 artis budaya serantau bakal mempersembahkan pelbagai jenis persembahan kebudayaan negara masing-masing pada festival itu.

KENYATAAN TENDER PRA-KELAYAKAN



PKNS
PERBADANAN KEMAJUAN NEGERI SELANGOR
(SELANGOR STATE DEVELOPMENT CORPORATION)

Pra-Kelayakan adalah dipelawa kepada Kontraktor-kontraktor **BUMIPUTERA** yang mempunyai **Sijil Perolehan Kerja Kerajaan** berdaftar dengan **Lembaga Pembangunan Industri Pembinaan Malaysia (LPIPM/CIDB)** dalam **Gred Kategori dan Pengkhususan** yang berkaitan serta masih dibenarkan membuat tawaran pada masa ini bagi kerja-kerja berikut:-

CADANGAN MEMBINA DAN MENYIAPKAN 118 UNIT RUMAH LINK (22'X75') 2 TINGKAT DAN SEBUAH PENCAWANG ELEKTRIK DI FASA 1A, SEKSYEN 3, KOTA PUTERI, SELANGOR DARUL EHSAN.

NO. KONTRAK : PKNS/IP/KP/KON-11/2016

No.	Perkara	Huraian
1.	Skop Kerja	1. Kerja-kerja Awalan 2. Kerja-kerja Cerucuk 3. Kerja-kerja Bangunan 4. Kerja-kerja Mekanikal & Elektrikal 5. Kerja-kerja Infrastruktur 6. Kerja-kerja Landskap 7. Kerja-kerja lain yang berkaitan
2.	Syarat-syarat Pra-Kelayakan	1. Syarat pendaftaran adalah berdaftar dengan CIDB Gred G7 Pengkhususan B04, CE21. Sijil Pengiktirafan Bumiputera (PKK), Perakuan Pendaftaran Kontraktor dan Sijil Perolehan Kerja Kerajaan dari CIDB. (Kontraktor berdaftar yang telah digantung oleh CIDB dari memasuki tender tidak layak untuk memasuki Pra-Kelayakan). **Sila bawa bersama SIJIL ASAL dan Satu Salinan setiap sijil berikut semasa pembelian. 2. Berdaftar dengan Jabatan Kastam Diraja Malaysia didalam GST. 3. Mempunyai Pengalaman 'Classic' atau 'CONQUAS' bagi projek perumahan 4. Mempunyai pensijilan dan pengalaman kerja- seperti yang disenaraikan di bawah : i) Sistem Pengurusan Kualiti (MS ISO 9001:2008) ii) Amalan kerja yang berkaitan Keselamatan & Kesihatan Pekerjaan (OHSAS 18001:2007) iii) Pengurusan Alam Sekitar (ISO 14001:2004) (Salinan sijil atau apa jua bukti hendaklah dikemukakan bersama dokumen Pra-Kelayakan) 5. Mempunyai keupayaan kewangan dan keupayaan Teknikal i) Nilai 'Nett Worth' melebihi RM2.0 Juta atau Modal Pusingan melebihi RM1.5 Juta ii) Nilai tahunan keseluruhan kerja yang telah dilaksanakan dengan jayanya dalam tempoh lima (5) tahun lepas tidak kurang daripada RM 30 Juta iii) Rekod prestasi kerja yang memuaskan dalam tempoh lima (5) tahun lepas dari segi tempoh penyediaan dan mutu kerja iv) Pengalaman projek sebanding
3.	Borang Pra Kelayakan	Borang Pra-Kelayakan boleh diperolehi di Bahagian Perolehan, Perbadanan Kemajuan Negeri Selangor (PKNS), Tingkat 7, Menara HPAIC, Laman Seri Business Park, No. 7, Persiaran Sukan, Seksyen 13, 40100 Shah Alam, Selangor Darul Ehsan dari 29 September 2016 sehingga 19 Oktober 2016 semasa waktu pejabat, tidak lewat dari 5.00 petang dari Isnin hingga Jumaat. Borang Pra-Kelayakan hanya akan dikeluarkan kepada kepada Kontraktor atau wakil yang sah sahaja. Sekiranya pihak Kontraktor ingin menghantar wakil, sila bawa bersama surat perwakilan kuasa dan membawa bersama sijil asal pendaftaran. Bayaran Dokumen Pra-Kelayakan RM 53.00 (Termasuk 6% GST) yang perlu disediakan dalam bentuk Wang Pos atau Bank Draf atas nama : PERBADANAN KEMAJUAN NEGERI SELANGOR. (Bayaran ini tidak akan dikembalikan)
4.	Penyerahan Dokumen	Borang yang telah lengkap dengan CV terperinci berserta dokumen-dokumen sokongan hendaklah dimasukkan ke dalam sampul surat yang dimeterai dan bertulis dengan jelas tajuk projek hendaklah dihantar dan dimasukkan ke dalam Peti Tawaran di pejabat :- Bahagian Perolehan, Perbadanan Kemajuan Negeri Selangor (PKNS), Tingkat 7, Menara HPAIC, Laman Seri Business Park, No. 7, Persiaran Sukan, Seksyen 13, 40100 Shah Alam, Selangor Darul Ehsan. No. Tel : 03-55201234 atau layari Web Tender PKNS di http://etender.pkns.gov.my
5.	Tarikh Tutup Penyerahan Pra-Kelayakan	20 Oktober 2016 sebelum jam 12.00 Tengahari

Dokumen yang diterima selepas tarikh dan waktu tutup tidak akan dilayan. Hanya Kontraktor-kontraktor yang disenarai pendek sahaja akan dimaklumkan dan layak keperingkat Tender seterusnya



Promosi pelancongan ke peringkat global

SHAH ALAM - Tourism Selangor tampil dengan kempen Discover Selangor 2016 hasil momentum baik Tahun Melawat Selangor 2016.

Pengurus Besarnya, Noorul Ashikin Mohd Din berkata, kempen dengan tagline 'Heart of Malaysia' itu antara landasan dalam usaha mempromosi Selangor di peringkat global.

"Kempen ini akan memberi tumpuan kepada kekuatan Selangor dalam 'lifestyle spot', peluang perniagaan, perkhidmatan sektor MICE (Meetings, Incentives, Conferencing, Exhibitions), sukan dan kesihatan.

"Kita juga menyediakan pelbagai aktiviti menarik sempena Discover Selangor seperti International Indigenous Arts Festival and Bon Odori Festival," katanya dalam kenyataan.

Pada 22 September lalu, Ashikin mengahadiri 'JATA Tourism Expo 2016' yang ber-

langsung di Tokyo Big Sight di Tokyo, Jepun.

Acara berkenaan menghimpunkan peserta daripada pelbagai agensi pelancongan, agensi kerajaan, pengusaha hotel, pengusaha pusat kesihatan dan pendidikan.

Ashikin berkata, terdapat peningkatan 9.7 peratus pelancong Jepun ke Selangor dalam tempoh enam bulan pertama tahun ini, berbanding tempoh sama pada 2015.

"Industri pelancongan Selangor mempunyai potensi besar untuk diterokai terutama rakan dari Jepun.

"Kita sentiasa menyokong usaha pemain industri tempatan untuk menghasilkan produk tarikan pelancong sama ada berasaskan Eco Tourism, Agro Tourism, homestay juga warisan dan budaya," katanya.

Dasar Agro Smart Selangor

Peruntukan pertanian dijangka bertambah

OLEH NAZLI IBRAHIM

MERU - Kerajaan Negeri dijangka meningkatkan peruntukan sektor pertanian bagi memastikan dasar Agro Smart Selangor yang diperkenalkan mencapai sasaran ditetapkan.

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, antara pendekatan digunakan dalam dasar berkenaan adalah meningkatkan penggunaan teknologi moden dalam pengeluaran pertanian.

"Sekarang kita sedang merangka belanjawan tahun depan tetapi setakat ini daripada segi bantuan pertanian memang ada peningkatan peruntukan tetapi belum boleh dinyatakan sehingga dibentangkan nanti," katanya.

Beliau berkata demikian pada program Hari Peladang, Hari Ber-

temu Pelanggan dan Penyerahan Insentif 2016, Pejabat Pertanian Klang, pada 25 September lalu.

Walaupun Selangor negeri perindustrian, Zaidy percaya pengeluaran pertanian boleh ditingkatkan seperti kejayaan dicapai Belanda.

Katanya, walaupun Belanda hanya negara kecil tetapi mereka berjaya menjadi pengeluar kedua terbesar sumber makanan dunia.

Selain merasmikan program Hari Peladang dan Hari Bertemu Pelanggan, Zaidy turut sempat merasmikan Makmal Industri Asas Tani yang terletak di kawasan Pusat Pertanian Meru itu.

Selain menguji ketepatan kaedah penyediaan sesuatu produk, makmal itu turut menempatkan pelbagai peralatan yang digunakan untuk memproses pelbagai makanan yang berpotensi dikomersialkan.



Landskap boleh makan ganti tanaman bunga

MERU - Kerajaan Negeri giat memperkenalkan konsep pertanian bandar termasuk menjadikan landskap halaman rumah kepada yang boleh dimanfaatkan sebagai salah satu sumber makanan.

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, pelbagai seminar dan program diadakan Jabatan Pertanian, pihak berkuasa tempatan dan pejabat Exco bagi memperkenalkan kaedah terabit.

"Kita juga mengadakan seminar, program memperkenalkan pertanian bandar ini seperti tunjuk ajar kaedah selain itu disediakan bagaimana dapatkan bantuan, maklumat dan alatan," katanya.

Katanya, pendekatan terbaru itu diperkenalkan bagi meng-

galakkan lebih ramai yang melibatkan diri dengan pertanian, sekali gus meningkatkan pengeluaran sumber makanan berkhasiat tanpa penggunaan bahan kimia.

Sementara itu, dianggarkan 3,000 pengunjung menghadiri program yang dirasmikan Zaidy itu.

Dalam program dua hari itu, pelbagai aktiviti dijalankan seperti jualan benih, anak pokok, baja, mempromosi produk asas tani dan mesin pemrosesan makanan yang berjaya dibangunkan dan lain-lain.

Program itu turut dihadiri Ahli Dewan Negeri Meru, Dr Abdul Rani Othman; Pengarah Jabatan Pertanian Negeri Selangor, Mohamad Idrus Ab. Hamid dan Pengarah Jabatan Pertanian Klang, Suhaimi Abd Hamid.



Lebih 700 anak pokok habis terjual

MERU - Lebih 700 pelbagai jenis anak pokok berjaya dihabiskan dalam tempoh sehari khususnya anak pokok durian baka Musang King.

Exco Infrastruktur dan Kemudahan Awam, Pemodenan Pertanian dan Industri Asas Tani, Zaidy Abdul Talib berkata, ia membuktikan terdapat peningkatan orang ramai untuk melibatkan diri dalam bidang pertanian.

"Ini perkara menggembirakan kerana ramai minat bercucuk tanam. Mereka datang untuk dapatkan benih atau anak pokok tertentu.

"Begitu juga dengan program lain seperti Jelajah Infra Tani dan Agrofest yang kita banyakkannya menjual anak pokok dan benih supaya mereka ada sumber," katanya.

Beliau berkata demikian pada program Hari Peladang, Hari Bertemu Pelanggan dan Penyerahan Insentif 2016, Pejabat Pertanian Klang, pada 25 September lalu.

Jelasnya, selain anak pokok, program berlangsung dua hari itu turut berjaya mencapai objektifnya memberi peluang kepada pengusaha produk

berasaskan pertanian mempromosikan produk dan premis perniagaan masing-masing.

Terdahulu, ketika menyampaikan ucapan perasmian, Zaidy memberitahu, Kerajaan Negeri menjalin kerjasama dengan Universiti Putra Malaysia (UPM) bagi menjalankan kajian kaedah terbaik memastikan bekalan makanan di Selangor terus terjamin.

Katanya, kajian itu dijalankan sebagai langkah untuk jangka masa panjang bagi mengurangkan kebergantungan bekalan makanan daripada luar negara.





Kayuhan santai Jalur Gemilang MPAJ

Inisiatif lahir bandar karbon rendah

OLEH ERMIZI MUHAMAD

AMPANG - Program Kayuhan Santai Jalur Gemilang peringkat Majlis Perbandaran Ampang Jaya (MPAJ) berjaya menghimpunkan lebih 1,000 peserta di perkarangan Ampang Point, di sini, pada 25 September lalu.

Program riadah sempena sambutan kemerdekaan dan Hari Malaysia itu diadakan sebagai inisiatif memupuk semangat patriotisme dalam kalangan masyarakat sekitar perbandarannya.

Yang Dipertua MPAJ, Abd Hamid Hussain berkata, program seumpamanya juga diyakini

mampu menjadikan perbandaran itu sebagai bandar rendah karbon.

"Ini adalah pendekatan Kerajaan Negeri menggalakkan penggunaan basikal berbanding kenderaan mengeluarkan karbon tinggi.

"Kawasan MPAJ sinonim dengan penduduk yang agak padat dan majoriti menggunakan kenderaan persendirian, justeru aktiviti ini sekali gus boleh mengurangkan karbon alam sekitar khususnya di kawasan perbandaran," katanya.

Terdahulu, kayuhan sejauh 14 kilometer (km) itu melalui jalan utama di Bandar Baru Ampang,

Ampang Mewah, Pandan Cahaya, Taman Cempaka, Taman, Dagang dan Ampang Utama.

Program turut disertai Ahli Parlimen Ampang, Zuraida Kamaruddin dan Ahli Dewan Negeri Lembah Jaya, Khasim Abdul Aziz yang turut menamatkan kayuhan sekitar 45 minit.

Antara kategori dipertandingkan termasuklah kumpulan berbasikal paling ceria, kayuhan basikal paling perlahan, basikal antik dan cabutan bertuah.

Kayuhan Jalur Gemilang mula dilaksanakan seluruh PBT Selangor sejak tahun lalu sebagai inisiatif permuafakatan komuniti dan pihak majlis.

Shah Alam miliki pengecas kenderaan elektrik

SHAH ALAM - Beberapa lokasi pengecas kenderaan elektrik di sekitar bandar raya Shah Alam diwujudkan bagi membantu me-ngurangkan penggunaan karbon secara holistik.

Datuk Bandar Shah Alam, Dato' Ahmad Zaharin Mohd Saad berkata, pihaknya turut melancarkan *EV Charger* di tempat letak kereta bangunan Majlis Bandaraya Shah Alam (MBSA) bagi menyokong usaha berkenaan.

"MBSA sudah memasang pengecas itu di empat lokasi iaitu Pusat Akuatik Seksyen 13, Pejabat Cawangan Kota Kemuning, Pejabat Cawangan Setia Alam dan Perpustakaan Tun Uda Shah Alam (PPAS).

"Kita juga akan memasang pengecas ini di Masjid Sultan Salahuddin Abdul Aziz Shah, Aeon Shah Alam, SACC dan Taman Tema Sukan Lasak Seksyen 13," katanya.

Beliau berkata demikian selepas Majlis Taklimat Kempen

Bangunan Rendah Karbon dan Perasmian *EV Charger* di Dewan Bankuet, MBSA, di sini, pada 22 September lalu.

Turut serta, Timbalan Pengarah Seksyen PBT Unit Perancangan Ekonomi Negeri (UPEN), Mas Sakdah Kamaruzzaman dan Ketua Mobiliti Hijau Malaysia Green Technology Corporation (Green Tech), Mohamed Azrin Mohamed Ali.

Ahmad Zaharin berkata, pemasangan pengecas itu adalah sebagai salah satu langkah proaktif MBSA untuk menggalakkan penggunaan kenderaan elektrik di bandar raya terbabit.

Katanya, MBSA juga membuat pembelian kenderaan elektrik yang dijangka akan diterima hujung tahun ini bagi kegunaan rasmi.

Secara tidak langsung, Selangor juga akan mempunyai rangkaian pengecas kenderaan paling banyak menjelang 2020.



Kawal populasi gagak elak pencemaran

SUBANG JAYA - Majlis Perbandaran Subang Jaya (MPSJ) konsisten memastikan habitat gagak di sekitar perbandarannya dapat dihapuskan demi kesejahteraan penduduk setempat.

Usaha itu dipergiatkan menerusi Program Tembak Gagak di kawasan pentadbirannya dengan kerjasama Persatuan Penembak Subang dan polis.

Pegawai Kesihatan Persekitaran MPSJ, Noordin Harun berkata, inisiatif itu diambil selepas merujuk aduan penduduk setempat susulan masalah habitat haiwan terbabit.

"Masalah ini mencetuskan kebimbangan apabila pencemaran kawasan terus berlaku akibat pembuangan najis dan kacau ganggu terutama di kawasan komersial dan peruma-

han," katanya.

Beliau berkata demikian ketika merasmikan Operasi Tembak Gagak di Bangunan MPSJ, dekat sini yang turut dihadiri Ahli Majlis dan Ketua Jawatankuasa Penduduk Zon.

Katanya, MPSJ menerima aduan permasalahan gagak sejak 2014 dengan 18 kes, 2015 (34 aduan) dan meningkat kepada 39 aduan, pada tahun ini.

"Kami menerima aduan tertinggi di kawasan Subang dengan 13 aduan dan sehingga Ogos lalu, 272 ekor gagak dimusnahkan menerusi 70 operasi," kata Noordin.

Antara kawasan terlibat sepanjang program tembak gagak dijalankan termasuk di kawasan USJ 11, SS14, SS15, Putra Height, Lake Garden dan Taman Kinrara 2.

MPS roboh rumah setingan haram

BATU CAVES - Majlis Perbandaran Selayang (MPS) merobohkan sebuah rumah setingan yang dibina secara haram dalam kawasan Taman Ekstrem Gua Damai, pada 20 September lalu.

Ketua Unit Khas MPS, C Paramasivam berkata, rumah terbabit dipercayai diduduki warga asing, sejak beberapa bulan lalu.

Katanya, sebuah tapak yang dalam pembinaan juga turut dibersihkan dalam operasi berkenaan.

"Ini kali kedua perobohan di buat di kawasan sama. Tanah itu adalah milik kerajaan yang dirancang untuk pembangunan pelancongan di kawasan terbabit.

"Perobohan mengikut prosedur ditetapkan dan pemiliknya

sudah diberikan peluang mengalihkan barangan sebelum kerja penguatkuasaan dilakukan," lapor Sinar Harian.

Sebelum ini, MPS turut giat mengambil tindakan merobohkan rumah setingan di kawasan yang dipercayai didiami dan dibina secara haram oleh warga asing.



Inisiatif rendah karbon

RM1.7 juta laksana LCCF

OLEH SYASYA SUFIAN

SHAH ALAM - Majlis Bandaraya Shah Alam (MBSA) memperuntukkan RM1.7 juta pada 2017 bagi melaksanakan projek inisiatif rendah karbon atau 'Low Carbon City Framework' (LCCF).

Datuk Bandar Shah Alam, Dato' Ahmad Zaharin Mohd Saad berkata, usaha itu bertujuan menjadikan Shah Alam sebagai bandar raya rendah karbon menjelang 2030.

Katanya, LCCF dilaksanakan merangkumi beberapa elemen termasuk bangunan, persekitaran, infrastruktur dan pengangkutan.

"LCCF dibangunkan sebagai panduan dalam menyediakan perancangan juga pembangunan mampan yang bakal menyumbang kepada pengurangan pelepasan 'Green House Gases' atau gas rumah kaca," katanya.

Beliau berkata demikian selepas Majlis Taklimat Kempen Bangunan Rendah Karbon dan Perasmian EV Charger di Dewan Bankuet, MBSA, di sini, pada 22 September lalu.

Ahmad Zaharin berkata, MBSA mengambil inisiatif awal memberi pendedahan dan pemahaman kepada 150 wakil



pemilik bangunan sekitar Shah Alam bersama Pegawai Pengurusan MBSA berkenaan konsep bangunan hijau dengan kerjasama Sustainable Energy and Authority Malaysia (SEDA).

Katanya, ia membolehkan

peserta terlibat berkongsi tindakan juga amalan dalam menggalakkan penggunaan elemen bangunan hijau di organisasi masing-masing.

Pada masa sama, katanya, Rancangan Malaysia ke-11

(RMK11) meluluskan peruntukan geran audit bangunan rendah karbon yang boleh dipohon pihak korporat juga swasta untuk menyokong usaha ke arah mengurangkan karbon dalam bangunan.

"Kerajaan memberi peruntukan berupa geran audit bangunan rendah karbon khusus kepada hotel, bangunan pejabat, kompleks membeli-belah, institusi pengajian tinggi (IPT) dan hospital swasta," katanya.

Manfaatkan Bas Smart Selangor

AMPANG - Masyarakat disaran menggunakan perkhidmatan bas percuma, Bas Smart Selangor sebagai jaminan penggunaan rendah karbon di negeri itu.

Yang Dipertua Majlis Perbandaran Ampang Jaya (MPAJ), Abd Hamid Hussain berkata, jaringan pengangkutan awam itu ternyata berkesan mengurangkan pencemaran udara dan masalah trafik.

"Sebagai usaha berterusan, MPAJ giat menganjurkan pelbagai kempen untuk menggunakan perkhidmatan awam termasuk Bas Smart Selangor sebagai akses kemudahan pengangkutan kepada masyarakat.

"Pada masa sama, kita juga menggalakkan kaedah penggunaan teknologi ke arah bandar karbon rendah, di sini," katanya kepada SelangorKini.

Beliau mengulas inisiatif jangka panjang dan pelan berterusan MPAJ dalam memastikan kesejahteraan penduduk di perbandarannya terus terjamin.

Pada masa sama, Abd Hamid turut menyarankan penduduk supaya bijak menguruskan bahan buangan seperti sampah

Sebagai usaha berterusan, MPAJ giat menganjurkan pelbagai kempen untuk menggunakan perkhidmatan awam termasuk Bas Smart Selangor sebagai akses kemudahan pengangkutan kepada masyarakat

ABD HAMID HUSSAIN
Yang Dipertua Majlis Perbandaran Ampang Jaya

dan sisa makanan secara sistematik.

"Sisa dari rumah seperti minyak masak wajar ditapis kerana jika dibiarkan mengalir ke longkang, sebahagiannya menyebabkan sistem saliran tersumbat, sekali gus mengundang kepada masalah kekotoran," katanya.



MPK terima tajaan minuman isotonik

SHAH ALAM - Majlis Perbandaran Klang (MPK) menerima tajaan 24,420 tin air isotonik VITA 500 bernilai RM146,520 daripada Felda Wellness Corporation (FWC) Sdn Bhd.

Yang Dipertua MPK, Dato' Mohamad Yasid Bidin berkata, pihaknya mengalu-alukan tajaan itu sebagai usaha menggalakkan budaya hidup sihat dalam kalangan warga Klang.

"Saya ingin merakamkan peng-

hargaan kepada FWC yang sudi memberi tajaan kepada MPK dalam usaha menggalakkan gaya hidup sihat, di sini.

"Kerjasama seperti ini diharap berterusan pada masa akan datang bagi membolehkan aktiviti dan program kesihatan yang kita jalankan mendapat perhatian masyarakat setempat," katanya.

Tajaan itu diagihkan di lokasi berlangsungnya program MPK termasuk aktiviti membabitkan

ahli majlis, antaranya Larian Bandar Diraja (Oren Sport Klang) dan Karnival Sihat Selangor bertempat di Taman Rakyat Klang, pada 25 September lalu.

Pada masa sama, Yasid berkata, beberapa aktiviti membabitkan kecergasan dan kesihatan yang berlangsung sehingga hujung bulan ini menunjukkan MPK sentiasa meletakkan kesejahteraan warga Klang sebagai perkara utama.

Hasil usaha jitu masyarakat

Semai budaya membaca

OLEH ERMIZI MUHAMAD

SUBANG JAYA - Inisiatif penubuhan Perpustakaan Mini Perumahan Indah Court diyakini mampu menjadi pemangkin kepada semangat membaca dalam kalangan masyarakat sekitarnya.

Ahli Dewan Negeri (ADN) Subang Jaya, Hannah Yeoh berkata, perkembangan positif itu mendorong kepada semangat membaca dalam kalangan masyarakat khususnya golongan muda.

"Pendekatan mendapatkan sumber bacaan itu terbuka seiring penggunaan teknologi dan bahan bacaan menerusi sumber buku yang boleh diperolehi daripada pusat sumber.

"Justeru, kemudahan ini dilihat sangat proaktif dan berkesan kepada anak supaya amalan membaca itu menjadi inspirasi melahirkan masyarakat cintakan buku," katanya ketika merasmikan perpustakaan itu di Pejabat JMB Indah Court, Jalan PJS 11/2, di sini, pada 24 September lalu.

Inisiatif itu terhasil menerusi idea JKP Zon 2, Majlis Perbandaran Subang Jaya (MPSJ) juga JMB Indah Court menerusi pelan perancangan pembangunan setempat.

Antara kemudahan disediakan termasuk penyediaan bahan bacaan daripada segenap lapisan umur, ruang bacaan juga tempat mesyuarat dan bakal diperluas-

kan kepada kelas tuisyen.

Sementara itu, Setiausaha JKP Zon 2, Mohamad Noor Ahmad berkata, golongan muda sewajarnya memanfaatkan ke-

mudahan itu dengan aktiviti berfaedah.

"Di kawasan MPSJ, ini adalah mini perpustakaan kedua selepas penubuhan pertama di

PJS 7.

"Kita harap ia membuka ruang kepada lebih banyak lagi perpustakaan mini di sekitar MPSJ untuk manfaat semua golongan," katanya.



Fasiliti perpustakaan diperluas

SUBANG JAYA - Prihatin terhadap perkembangan budaya membaca dalam kalangan masyarakat, Ahli Dewan Negeri (ADN) Subang Jaya, Hannah Yeoh menyerahkan beberapa kelengkapan tambahan di Perpustakaan Mini Perumahan Indah Court.

Antaranya penyerahan sumbangan set komputer dan kemudahan alat mesin cetak untuk kegunaan pengguna, di sini.

Beliau berkata, inisiatif itu disifatkan sebagai galakan supaya lebih ramai masyarakat khusus-

nya golongan muda mendapatkan ilmu pengetahuan daripada pembacaan bahan ilmiah selain buku dan surat khabar.

"Saya berbesar hati menyumbang beberapa kelengkapan baru untuk menarik lebih ramai lagi orang awam menggunakan kemudahan disediakan, di sini," katanya.

Usaha itu disambut baik penduduk yang melihat ia mampu memberi manfaat berterusan kepada masyarakat.

Wan Azizah Wan Yaakub, 56, berkata golongan muda khu-

susnya kanak-kanak kini lebih terdorong untuk menyemai nilai kecintaan membaca.

"Daripada mereka berhabis masa melakukan perkara kurang berfaedah di luar, sekurangnya ibu bapa boleh menyarankan supaya anak ini mengulang kaji pelajaran di perpustakaan," katanya.

Sementara itu Sahrina Sallehudin, 37, berharap lebih banyak pihak tampil secara sukarela untuk menyumbang pelbagai jenis bahan bacaan mengikut kesesuaian umur.

Doktor Selangor antara 17 pemimpin muda PBB

KUALA LUMPUR - Mohd Lutfi Fadil Lokman dipilih Pertubuhan Bangsa-Bangsa Bersatu (PBB) untuk menyertai 16 warga global lain sebagai pemimpin muda PBB bagi Matlamat Pembangunan Mapan (SDG).

Doktor perubatan berusia 29 tahun dari Gombak, Selangor itu dipilih dalam kalangan 18,000 pencalonan dari 186 negara berdasarkan inisiatif beliau, Hospital Merentasi Sempadan (HBB) dan penilaian menyeluruh jawatankuasa pemilihan peringkat tinggi.

"Saya berasa sangat bertuah dan bangga dengan pemilihan ini dan masih terkejut apabila dimaklumkan (berkenaan pemilihan), sebulan lalu.

"Saya menaruh harapan untuk bekerjasama dengan semua pihak bagi memastikan semua SDG ini tercapai," katanya lapor Bernama.

Mohd Lutfi berkata, usaha kemanusiaan dijalankan Mercy Ma-

laysia, Doctors Without Borders dan badan bukan kerajaan lain sentiasa memberi inspirasi kepadanya.

"la bermula apabila ketika semester empat di Universiti Kebangsaan Malaysia (UKM), saya dimasukkan ke hospital kerana kecederaan serius di kepala.

"Cecair otak mengalir keluar daripada salah satu telinga dan gendang telinga saya rosak, menjejaskan keseimbangan serta upaya untuk berjalan.

"Saya berjanji jika Tuhan menyembuhkan keadaan itu, saya akan meneruskan impian untuk membantu masyarakat membina sistem penjagaan kesihatan mapan. Saya bersyukur doa saya dikabulkan," katanya.

Mengulas rancangannya pada masa depan, Mohd Lutfi teruja berkongsi berita berkenaan pembukaan hospital bersalin HBB di Kemboja yang dijangka beroperasi

Keterbukaan UNISEL julang ruang demokrasi pendidikan

SHAH ALAM - Prinsip keterbukaan diamalkan di Universiti Selangor (Unisel) menjadi pemangkin kepada masa depan institusi pendidikan negara yang lebih cemerlang.

Naib Canselor Unisel, Profesor Dato' Dr Mohammad Redzuan Othman berkata, prospek demokrasi pendidikan mahasiswanya lebih terbuka dan berani berbanding institusi pendidikan awam kerajaan.

"Saya yakin ketika di universiti lama dahulu, tidak mungkin program perbincangan atau wacana itu dapat diadakan.

"Warga Unisel harus bangga kerana universiti ini mampu berdiri kukuh dan berani mengadakan program wacana perbincangan yang lebih terbuka kepada warganya," katanya.

Beliau berkata

demikian ketika berucap pada wacana; Merdeka Media Kita anjuran Sinar Harian di Auditorium Universiti Selangor (Unisel), pada 20 September lalu.

Laporan sebelum ini mendakwa, Mohammad Redzuan yang juga bekas pengarah Pusat Demokrasi dan Pilihan Raya Universiti Malaya (Umcedel) diminta meletakkan

jawatan dan hak pelantikannya sebagai dekan di Universiti Malaya (UM) tidak disambung.

Keputusan itu dikatakan berkait hasil penyelidikan beliau dan Umcedel yang mengkritik manifesto Kerajaan Persekutuan, berbanding manifesto Pakatan yang lebih popular.



Fokus baiki ranking UNISEL

SHAH ALAM - Kerajaan Negeri tekad memperbaiki kedudukan Universiti Selangor (Unisel) di peringkat nasional, kata Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad.

Beliau berkata, usaha itu bagaimanapun berdepan pelbagai cabaran terutama daripada aspek kos.

"Sememangnya banyak cabaran kerana pendidikan memerlukan pelaburan besar termasuk Unisel yang kini berada dalam proses transformasi.

"Untuk ranking, kita baiki

dalam negara dahulu sebelum meletak sasaran jauh di peringkat antarabangsa," katanya kepada SelangorKini.

Beliau berkata demikian ketika ditanya usaha Kerajaan Negeri menaikkan ranking universiti milikan penuh Kerajaan Negeri di peringkat dunia.

Sebelum ini, QS World University Rankings mengeluarkan ranking institut pengajian tinggi terbaik di Malaysia.

Universiti Malaya (UM) berada di tangga teratas, namun berada pada kedudukan ke-27 di Asia dan kedudukan ke-146 di dunia.

Santuni warga emas

LZS bangunkan Bait Al-Mawaddah

OLEH SYASYA SUFIAN

SHAH ALAM - Lembaga Zakat Selangor (LZS) memperuntukkan RM3 juta untuk membangunkan Bait Al-Mawaddah sebagai pusat perlindungan warga emas bagi golongan fakir dan miskin yang siap, pada September 2014.

Ketua Pegawai Eksekutif LZS, Hussin Mohd Ali (*gambar*), berkata ia usaha LZS menyantuni golongan warga emas yang hidup keseorangan atau mempunyai waris, namun tidak berkemampuan untuk menjaganya.

"Fokus utama pusat jagaan ini untuk menempatkan warga emas dari golongan fakir miskin tetapi masih mampu menguruskan diri sendiri.

"Mereka diberi tempat perlindungan selesa, lebih teratur dan dilengkapi prasarana sempurna," katanya selepas Majlis Perasmian Bait Al-Mawaddah di Jalan Kebun, pada 27 September lalu.



Perasmian Bait Al-Mawaddah disempurnakan DYMM Sultan Selangor, Sultan Sharafuddin Idris Shah yang turut diiringi DYMM Tengku Permaisuri Selangor, Tengku Permaisuri Norashikin Abd Rahman.

Hadir mengiringi baginda Dato' Menteri Besar, Dato' Seri Mohamed Azmin Ali; Pengerusi Majlis Agama Islam Selangor (MAIS), Dato' Setia Mohamad Adzib Mohd Isa; Pengerusi LZS, Tan Sri Syed Anwar Ibni Almarhum Tuanku Syed Putra Jamalullail bersama

barisan Exco negeri.

Hussin berkata setakat ini Bait Al-Mawaddah mempunyai 36 penghuni terdiri daripada 20 lelaki dan 16 wanita yang berusia antara 55 tahun sehingga 86 tahun.

"Penghuni sentiasa disulami pelbagai aktiviti harian yang memberikan manfaat antaranya aktiviti keagamaan seperti kelas Al-Quran dan Fardhu Ain, sukan, terapi pemulihan dan fisioterapi.

"Kita juga masih dalam perancangan untuk menambah pusat jagaan seperti ini kerana walaupun ramai waris memohon menghantar ibu bapa mereka ke sini tetapi kita lebih mengutamakan mereka hidup sebatang kara dan golongan kurang berkemampuan," katanya.

Sebelum ini, LZS mewujudkan Rumah Orang Tua Darus Salamah di Tanjung Karang yang merupakan pusat jagaan bagi warga emas wanita.

Jajaran LRT3 tak libat kubur Simpang Lima

SHAH ALAM - Pelaksanaan projek jajaran Transit Aliran Ringan Laluan 3 (LRT3) dari Bandar Utama ke Johan Setia tidak membabitkan tapak Tanah Perkuburan Islam Simpang Lima, Klang.

Pengarah Jabatan Agama Islam Selangor (Jais), Dato' Haris Kasim berkata, kenyataan itu sekali gus merungkai salah faham antara penduduk setempat dengan pihak konsesi juga agensi terbabit dalam isu berkenaan.

"Dalam perbincangan pada 22 September lalu, Jais dimaklumkan bahawa jajaran LRT3 tidak membabitkan tapak perkuburan Islam Simpang Lima, Klang.

"Salah faham berlaku apabila pihak konsesi mula melaksanakan bancian terhadap beberapa tapak kubur orang Islam berhampiran kawasan jajaran seperti dalam pelan pelaksanaan projek," katanya dalam kenyataan.

Haris berkata, Jais juga mengambil maklum tidak berlaku perpindahan kubur seperti didakwa, sebaliknya bancian yang dilaksanakan adalah sebagai memenuhi keperluan pengurusan risiko pembangunan dan kajian impak ke atas projek LRT3.

Selain itu, katanya, ia bertujuan mengenal pasti waris mereka yang dikebumikan di tapak perkuburan terbabit sebagai data rujukan pengurusan risiko.

"Pihak konsesi akan memanggil waris yang dikenal pasti daripada bancian dilaksanakan untuk diberi penerangan juga penjelasan.



"Justeru, kami menyeru kepada waris supaya dapat memberi kerjasama baik. Sebarang permasalahan atau pertanyaan berkenaan perkara ini, boleh rujuk terus kepada Pejabat Agama Islam daerah Klang," katanya.

Pada 18 September lalu, kira-kira 100 waris anggota keluarga yang dikebumikan di tanah perkuburan itu meminta jajaran projek LRT3 dialihkan kerana didakwa merentasi kawasan kubur berkenaan.

WAKTU SOLAT SELANGOR							
30 SEPTEMBER - 7 OKTOBER 2016							
28 ZULHIJAH 1437H - 6 MUHARAM 1438H							
Gombak, Hulu Selangor, Rawang, Hulu Langat, Sepang, Petaling, Shah Alam							
	Imsak	Subuh	Syuru'	Zuhur	Asar	Maghrib	Isyak
30 Jumaat	5:35	5:45	7:00	1:06	4:16	7:07	8:16
01 Sabtu	5:35	5:45	6:59	1:06	4:16	7:07	8:16
02 Ahad	5:35	5:45	6:59	1:05	4:16	7:07	8:16
03 Isnin	5:35	5:45	6:59	1:05	4:16	7:06	8:15
04 Selasa	5:34	5:44	6:59	1:05	4:16	7:06	8:15
05 Rabu	5:34	5:44	6:59	1:04	4:17	7:05	8:14
06 Khamis	5:34	5:44	6:58	1:04	4:17	7:05	8:14
07 Jumaat	5:34	5:44	6:58	1:04	4:17	7:05	8:14
Sabak Bernam, Kuala Selangor, Klang, Kuala Langat							
	Imsak	Subuh	Syuru'	Zuhur	Asar	Maghrib	Isyak
23 Jumaat	5:39	5:49	7:05	1:10	4:17	7:12	8:21
24 Sabtu	5:39	5:49	7:05	1:10	4:17	7:12	8:21
25 Ahad	5:39	5:49	7:04	1:10	4:17	7:12	8:20
26 Isnin	5:38	5:48	7:04	1:09	4:17	7:11	8:20
27 Selasa	5:38	5:48	7:04	1:09	4:17	7:11	8:20
28 Rabu	5:38	5:48	7:04	1:09	4:18	7:10	8:19
29 Khamis	5:38	5:48	7:04	1:08	4:18	7:10	8:19
30 Jumaat	5:37	5:47	7:03	1:08	4:18	7:09	8:18

JADUAL KAEDAH-KAEDAH PENYIASATAN AWAM (SELANGOR) 2014

NOTIS PENYIASATAN AWAM DI BAWAH SEKSYEN 11 ENAKMEN (PEMAKAIAN) AKTA PERHUTANAN NEGARA 1985 (Subkaedah 7(2))

Menurut seksyen 11 Enakmen (Pemakaian) Akta Perhutanan Negara 1985 [Enakmen 5/1985], dengan ini diberitahu bahawa terdapat cadangan untuk mengeluarkan tanah dari kawasan hutan simpanan kekal Hutan Simpan Bukit Cherakah Tambahan yang mempunyai butiran dan tujuan pengeluaran seperti berikut:

Daerah	: Petaling
Mukim	: Bukit Raja
No. Pelan	: PHN.SEL.(S) 08/3/2 Klt. 16 Bil. (9) yang dipamerkan di Pejabat Pengarah Perhutanan Negeri Selangor dan Pejabat Hutan Daerah Selangor Tengah, Km 11 (Batu 7), Jalan Cheras, 43200 Cheras, Selangor.
Keluasan Tujuan	: 4.1 hektar : Projek Menaiktaraf Laluan B49 Persiaran Mokhtar Dahari, Daerah Petaling, Negeri Selangor Darul Ehsan

Sehubungan dengan itu, mana-mana orang dalam daerah Petaling yang mempunyai kepentingan boleh mengemukakan bantahan terhadap cadangan tersebut dalam tempoh tiga puluh (30) hari dari tarikh penyiaran notis ini.

Bantahan secara bertulis hendaklah dibuat kepada:

**PENGARAH
JABATAN PERHUTANAN NEGERI SELANGOR
TINGKAT 3, BANGUNAN SULTAN SALAHUDDIN ABDUL
AZIZ SHAH, 40660 SHAH ALAM, SELANGOR**

JADUAL KAEDAH-KAEDAH PENYIASATAN AWAM (SELANGOR) 2014

NOTIS PENYIASATAN AWAM DI BAWAH SEKSYEN 11 ENAKMEN (PEMAKAIAN) AKTA PERHUTANAN NEGARA 1985 (Subkaedah 7(2))

Menurut seksyen 11 Enakmen (Pemakaian) Akta Perhutanan Negara 1985 [Enakmen 5/1985], dengan ini diberitahu bahawa terdapat cadangan untuk mengeluarkan tanah dari kawasan hutan simpanan kekal Hutan Simpan Rantau Panjang yang mempunyai butiran dan tujuan pengeluaran seperti berikut:

Daerah	: Gombak
Mukim	: Rawang
No. Pelan	: PHN.SEL.(S) 08/3/2 Klt. 16 Bil. (8) yang dipamerkan di Pejabat Pengarah Perhutanan Negeri Selangor dan Pejabat Hutan Daerah Hulu Selangor, Jalan Rp 4/1, Rawang Perdana, 48000 Rawang, Selangor.
Keluasan Tujuan	: 4 ekar : Projek Loji Pembersihan Air Rantau Panjang bagi tujuan Penstrukturan Industri Perkhidmatan Bekalan Air Negeri Selangor

Sehubungan dengan itu, mana-mana orang dalam daerah Gombak yang mempunyai kepentingan boleh mengemukakan bantahan terhadap cadangan tersebut dalam tempoh tiga puluh (30) hari dari tarikh penyiaran notis ini.

Bantahan secara bertulis hendaklah dibuat kepada:

**PENGARAH
JABATAN PERHUTANAN NEGERI SELANGOR
TINGKAT 3, BANGUNAN SULTAN SALAHUDDIN ABDUL
AZIZ SHAH, 40660 SHAH ALAM, SELANGOR**

OLEH HAFIZAN TAIB

SHAH ALAM - Pertubuhan Misi Bantuan Kemanusiaan Selangor (Pantas) bersiap sedia dengan misi bantuan kepada pihak di-timpa musibah dalam musim bencana seperti yang sering berlaku, pada hujung tahun.

Pengerusinya, Hamsah Djabir berkata, mereka bersedia dari awal tahun ini selain memohon bantuan juga sumbangan daripada pihak berkaitan bagi menjayakannya.

"Persediaan ini penting bagi menghadapi sebarang kemungkinan berlaku bencana seperti banjir di Selangor atau tempat lain.

"Sebagai pertubuhan bukan kerajaan (NGO), kita mendapat kerjasama baik daripada Kerajaan Negeri dan anak syarikatnya serta pihak tertentu yang menghulurkan pelbagai sumbangan dan barangan keperluan," katanya kepada SelangorKini.

Beliau berkata, setakat ini Pantas menerima sumbangan kira-kira RM20,000 daripada beberapa anak syarikat Kerajaan Negeri selain barangan antaranya pakaian, selimut dan toto.

Katanya, PANTAS akan terus berusaha bagi mendapat bantuan diperlukan kerana sumber

PANTAS siap sedia hadapi kemungkinan banjir



Sebagai pertubuhan bukan kerajaan (NGO), kita mendapat kerjasama baik dari Kerajaan Negeri dan anak syarikatnya serta pihak tertentu yang menghulurkan pelbagai sumbangan dan barangan keperluan

HAMSAH DJABIR
Pengerusi

diperoleh kini masih belum mencukupi.

"Kita masih menunggu sumbangan tambahan daripada beberapa pihak lagi dan berharap mendapat respon baik seperti sebelumnya.

"Pantas juga mengalu-alukan bantuan daripada orang ramai," katanya.

Selain membantu mangsa

yang ditimpa pelbagai musibah di Selangor, Pantas pernah terabit dalam beberapa misi bantuan di luar negeri antaranya membantu mangsa banjir besar di Kelantan, pada akhir 2014.

Pihak berminat menghulur-



kan sumbangan kepada Pantas boleh menghubungi Teoh (016-2677737) atau Haslan (016-3576010) atau berhubung terus dengan urusetia di G2 & 3A, Jalan Kolam Ayer Lama, Ampang Jaya,

68000 Ampang, Selangor (03-42511317).

Orang ramai juga boleh mendapat maklumat dan menghubungi pertubuhan itu melalui Facebook: Pantas Selangor.

Kumpulan Semesta Sdn. Bhd. ("KSSB") adalah anak syarikat milik penuh Menteri Besar Selangor (Pemerbadanan) ("MBI") yang menguruskan pengeksploasian, pengekstrakan, pengeluaran dan penjualan pasir, bahan batuan dan sumber-sumber mineral di Negeri Selangor. KSSB bercadang untuk membuka tapak operasi baru dan menjemput pemohon-pemohon yang berminat dan berkecenderungan untuk menyertai lawatan tapak sebagai pra-syarat untuk menyertai tender berikut:-

TENDER NO. T12/2016
PELAWAAN TENDER TERBUKA BAGI OPERASI CUCIGALI SUNGAI SELANGOR, MUKIM PASANGAN, DAERAH KUALA SELANGOR, SELANGOR DARUL EHSAN (SUNGAI PASANGAN)

Tarikh Lawatan Tapak	6hb Oktober 2016 (Khamis)
Waktu Berkumpul / Pendaftaran	10.30 pagi
Tempat Berkumpul	Pejabat KSSB, Cawangan Utara, Bestari Jaya (GPS: 3° 24' 50.76" N, 101° 26' 39.04" E)
Tarikh dan Masa Penjualan Dokumen Tender	10hb (Isnin) dan 11hb (Selasa) Oktober 2016 9.00 pagi hingga 12.00 tengah hari 2.30 petang hingga 4.00 petang
Tarikh dan Masa Penyerahan Dokumen Tender	20hb Oktober 2016 (Khamis) 9.00 pagi hingga 12.00 tengah hari Penyertaan lewat dan tidak lengkap akan ditolak
Tempat Penjualan dan Penyerahan Dokumen Tender	Ibu Pejabat Kumpulan Semesta Sdn. Bhd. Tingkat 5, Bangunan Darul Ehsan No. 3, Jalan Indah Seksyen 14 40000 Shah Alam, Selangor Darul Ehsan

Catatan:

- Syarat-syarat kelayakan:
 - Mempunyai alamat berdaftar atau alamat perniagaan di Negeri Selangor;
 - Hanya syarikat berstatus Sdn. Bhd. dan Berhad sahaja layak menyertai tender ini; dan
 - Mempunyai modal berbayar minima RM200,000.00.
- Harga Dokumen Tender: RM106.00.
- Fi Pemprosesan Tender: RM1,060.00.
- Deposit Tender: RM5,000.00.
- Lawatan tapak adalah wajib bagi melayakkan pemohon-pemohon menyertai tender berkenaan. Pemohon-pemohon yang tidak menyertai dan tidak mendaftarkan diri semasa lawatan tapak tidak layak untuk menyertai tender tersebut. Penyertaan lawatan tapak, pembelian dan penyerahan dokumen tender hendaklah dilakukan di atas nama syarikat yang sama. Adalah dicadangkan supaya pemohon-pemohon hadir ke lawatan tapak dengan menggunakan kenderaan yang bersesuaian seperti kenderaan pacuan empat roda. Keselamatan pemohon serta risiko dan kos yang terlibat semasa lawatan di tapak tersebut adalah tanggungjawab pemohon sepenuhnya. Pihak KSSB tidak akan bertanggungjawab bagi sebarang liabiliti, kerugian, kerosakan, tuntutan dan kecederaan yang timbul daripada lawatan pemohon dan/atau ejen/wakil pemohon ke tapak tersebut.
- KSSB berhak untuk menerima atau menolak mana-mana permohonan atau membatalkan tender tanpa perlu membayar balik apa-apa perbelanjaan atau kerugian yang ditanggung oleh mana-mana pemohon. Semua keputusan oleh KSSB adalah muktamad.
- KSSB tidak pernah melantik atau memberi kuasa kepada mana-mana pihak ketiga untuk menjalankan sebarang transaksi berkenaan tender ini bagi pihak KSSB dan KSSB tidak akan bertanggungjawab ke atas apa-apa maklumat yang diberikan oleh pihak ketiga dan tidak akan menanggung apa-apa liabiliti berkenaan sebarang kesimpulan, kerugian atau kerosakan dalam apa jua bentuk yang telah ditanggung oleh orang ramai yang berpunca daripada mereka bergantung atau menggunakan maklumat yang diberikan oleh pihak ketiga. Pihak awam dinasihatkan agar menghubungi KSSB bagi sebarang pengesahan dan/atau maklumat lanjut.
- Maklumat lanjut tender boleh diperolehi di laman sesawang rasmi kami www.semesta.com.my

Kumpulan Semesta Sdn. Bhd. (822993-H)
Tingkat 5, Bangunan Darul Ehsan,
No. 3, Jalan Indah, Seksyen 14
40000 Shah Alam, Selangor Darul Ehsan
Tel: 03-5518 7735 Faks: 03-5518 7736
www.semesta.com.my

Pegawai Bertugas Untuk Lawatan Tapak:
En. Mohd Hisham Mohd Ghaus 019-659 2166
En. Jafrikhairi Mhd Idris 017-615 6140
En. Abdul Hamid Hassan 019-332 2037

Kumpulan Semesta Sdn. Bhd. ("KSSB") adalah anak syarikat milik penuh Menteri Besar Selangor (Pemerbadanan) ("MBI"), menjemput pemohon-pemohon yang berminat dan berkecenderungan untuk menyertai lawatan tapak sebagai pra-syarat untuk menyertai tender berikut:-

TENDER NO. T13/2016
PELAWAAN UNTUK MENYERTAI CADANGAN PAJAKAN TANAH BAGI AKTIVITI PERLOMBONGAN BAHAN BATUAN DAN MINERAL DI ATAS TANAH HAK MILIK KUMPULAN HARTANAH SELANGOR BERHAD (KHSB) DI BAWAH PN22313, LOT 2501 DAN PN22314, LOT 2502, MUKIM ULU TINGGI, DAERAH KUALA SELANGOR, SELANGOR DARUL EHSAN

Tarikh Lawatan Tapak	7hb Oktober 2016 (Jumaat)
Waktu Berkumpul / Pendaftaran	9.30 pagi
Tempat Berkumpul	Pejabat KSSB, Cawangan Utara, Bestari Jaya (GPS: 3° 24' 50.76" N, 101° 26' 39.04" E)
Tarikh dan Masa Penjualan Dokumen Tender	12hb (Rabu) dan 13hb (Khamis) Oktober 2016 9.00 pagi hingga 12.00 tengah hari 2.30 petang hingga 4.00 petang
Tarikh dan Masa Penyerahan Dokumen Tender	24hb November 2016 (Khamis) 9.00 pagi hingga 12.00 tengah hari Penyertaan lewat dan tidak lengkap akan ditolak
Tempat Penjualan dan Penyerahan Dokumen Tender	Ibu Pejabat Kumpulan Semesta Sdn. Bhd. Tingkat 5, Bangunan Darul Ehsan No. 3, Jalan Indah Seksyen 14 40000 Shah Alam, Selangor Darul Ehsan

Catatan:

- Syarat-syarat kelayakan:
 - Mempunyai alamat berdaftar atau alamat perniagaan di Negeri Selangor;
 - Hanya syarikat berstatus Sdn. Bhd. dan Berhad sahaja layak menyertai tender ini; dan
 - Mempunyai modal berbayar minima RM2,000,000.00.
- Harga Dokumen Tender: RM106.00.
- Fi Pemprosesan Tender: RM10,600.00.
- Deposit Tender: RM100,000.00.
- Lawatan tapak adalah wajib bagi melayakkan pemohon-pemohon menyertai tender berkenaan. Pemohon-pemohon yang tidak menyertai dan tidak mendaftarkan diri semasa lawatan tapak tidak layak untuk menyertai tender tersebut. Penyertaan lawatan tapak, pembelian dan penyerahan dokumen tender hendaklah dilakukan di atas nama syarikat yang sama. Adalah dicadangkan supaya pemohon-pemohon hadir ke lawatan tapak dengan menggunakan kenderaan yang bersesuaian seperti kenderaan pacuan empat roda. Keselamatan pemohon serta risiko dan kos yang terlibat semasa lawatan di tapak tersebut adalah tanggungjawab pemohon sepenuhnya. Pihak KSSB tidak akan bertanggungjawab bagi sebarang liabiliti, kerugian, kerosakan, tuntutan dan kecederaan yang timbul daripada lawatan pemohon dan/atau ejen/wakil pemohon ke tapak tersebut.
- KSSB berhak untuk menerima atau menolak mana-mana permohonan atau membatalkan tender tanpa perlu membayar balik apa-apa perbelanjaan atau kerugian yang ditanggung oleh mana-mana pemohon. Semua keputusan oleh KSSB adalah muktamad.
- KSSB tidak pernah melantik atau memberi kuasa kepada mana-mana pihak ketiga untuk menjalankan sebarang transaksi berkenaan tender ini bagi pihak KSSB dan KSSB tidak akan bertanggungjawab ke atas apa-apa maklumat yang diberikan oleh pihak ketiga dan tidak akan menanggung apa-apa liabiliti berkenaan sebarang kesimpulan, kerugian atau kerosakan dalam apa jua bentuk yang telah ditanggung oleh orang ramai yang berpunca daripada mereka bergantung atau menggunakan maklumat yang diberikan oleh pihak ketiga. Pihak awam dinasihatkan agar menghubungi KSSB bagi sebarang pengesahan dan/atau maklumat lanjut.
- Maklumat lanjut tender boleh diperolehi di laman sesawang rasmi kami www.semesta.com.my

Kumpulan Semesta Sdn. Bhd. (822993-H)
Tingkat 5, Bangunan Darul Ehsan,
No. 3, Jalan Indah, Seksyen 14
40000 Shah Alam, Selangor Darul Ehsan
Tel: 03-5518 7735 Faks: 03-5518 7736
www.semesta.com.my

Pegawai Bertugas Untuk Lawatan Tapak:
En. Mohd Hisham Mohd Ghaus 019-659 2166
En. Jafrikhairi Mhd Idris 017-615 6140
En. Abdul Hamid Hassan 019-332 2037

Orang Asal terima bantuan

SHAH ALAM - Sekurang-kurangnya tujuh keluarga orang Asal Sungai Rambai, Pulau Carey menerima bantuan daripada Kerajaan Negeri susulan kejadian banjir di kawasan itu, baru-baru ini.

Bantuan diserahkan Exco Kesihatan, Kebajikan, Hal Ehwal Wanita dan Keluarga, Dr Daroyah Alwi di balai raya kampung tersebut, pada 26 September lalu.

Ia adalah inisiatif Kerajaan Negeri memastikan masyarakat kurang bernasib baik terus dibantu.

Terdahulu, fenomena air laut pasang yang berlaku di sekitar perairan negeri menyebabkan beberapa kediaman penduduk dinaiki air.



Terima sambutan luar biasa

Ziyad teruja sokongan rakyat Malaysia

OLEH AFIX REDZUAN

SEPANG - Pemenang pingat emas Paralimpik Rio, Muhammad Ziyad Zolkefli gembira dengan sambutan dan sokongan rakyat Malaysia sebaik tiba di Kompleks Bunga Raya, Lapangan Terbang Antarabangsa Kuala Lumpur (KLIA), di sini, pada 22 September lalu.

Tanpa berselindung, atlet kelahiran Selangor itu terharu dengan kejayaan di Rio yang nyata merubah sedikit sebanyak kehidupannya walaupun pernah memenangi pingat gangsa di London, pada 2012.

"Dahulu saya menang pingat gangsa tetapi tidak semeriah ini sambutannya. Ramai orang mahu bergambar dengan saya dan ini penghormatan besar," katanya.

Muhammad Ziyad berkata, kejayaan merangkul emas sangat membanggakan dan nyata berbaloi setelah berusaha gigih.

"Harapan saya ke sana mahu mencuba yang terbaik. Balingan kelima saya yang membanggakan dan memecahkan rekod dunia kali kedua.

"Itu adalah satu yang luar biasa buat rakyat Malaysia yang menyokong saya," katanya.

Menyentuh soal insentif, Muhammad Ziyad berkata, beliau masih belum memikirkan sebarang perancangan dan hanya mahu menikmati cuti diberikan selama dua minggu.

Dalam temasya Paralimpik Rio, Muhammad Ziyad mencipta rekod baharu dunia dalam acara lontar peluru F20 lelaki (masalah pembelajaran) dengan jarak lontaran 16.84m untuk pingat emas kedua negara.



Kejayaan merangkul emas sangat membanggakan dan nyata berbaloi setelah berusaha gigih.

MUHAMMAD ZIYAD

MB bakal beri penghargaan

PUCHONG - Kejayaan atlet negara pada temasya Sukan Paralimpik 2016 di Rio de Janeiro, Brazil membawa pulang tiga pingat emas dan satu gangsa menjadi kebanggaan rakyat Malaysia.

Dato Menteri Besar, Dato Seri Mohamed Azmin Ali berkata, lebih membanggakan apabila Muhammad Ziyad Zolkefli dari Gombak, Selangor turut mencipta rekod dunia bagi acara lontar peluru sejauh 16.84 meter.

"Mereka selamat pulang ke tanah air bukan dengan tangan kosong tetapi pingat emas juga rekod dunia baru yang sudah tentu menjadi kebanggaan rakyat Malaysia khususnya rakyat Selangor.

"Kerajaan Negeri sedang meneliti apakah bentuk penghargaan sewajarnya diberikan dan saya akan menemui Ziyad juga

keluarganya di Gombak dalam masa terdekat," katanya kepada SelangorKini.

Beliau berkata demikian ketika Majlis Perasmian Persimpangan Bertingkat Dari LDP ke Jalan Utama 2, Puchong Utama di sini, pada 23 September lalu.

Sebelum itu, kontinjen Malaysia ke Sukan Paralimpik 2016 di Rio berjaya membawa pulang tiga pingat emas dan satu gangsa.

Selain Muhammad Ziyad, pingat emas turut dimenangi Mohamad Ridzuan Mohamad Puzi bagi acara larian 100 meter kategori T36 dan atlet lompat jauh, Abdul Latiff Romly yang juga memecahkan rekod sukan Paralimpik.

Atlet wanita bagi acara sukan lompat jauh, Siti Noor Radiah Ismail turut menyumbangkan pingat gangsa menerusi kategori T20.



Wira Paralimpik Rio dirai

SEPANG - Hampir 1,000 rakyat Malaysia membanjiri Kompleks Bunga Raya, di sini, bagi menyambut kepulangan wira negara daripada temasya Sukan Paralimpik Rio, Brazil 2016.

Kepulangan mereka sangat dinantikan susulan persembahan cemerlang dalam kejohanan yang bermula pada 7 September dan melabuhkan tirai, pada 18 September lalu.

Mereka dibawa pulang menaiki pesawat Airbus A380-800 penerbangan Emirates dari Dubai ke Kuala Lumpur selamat mendarat di Lapangan Terbang Antarabangsa Kuala Lumpur (KLIA), pada jam 3.05 petang, pada 22 September lalu.

Malaysia berjaya membawa pulang tiga pingat emas dan satu gangsa menerusi acara 100 meter T36

lelaki (cerebral palsy), lontar peluru F20 lelaki (masalah pembelajaran), lompat jauh T20 lelaki (masalah pembelajaran) dan lompat jauh wanita T20 (masalah pembelajaran).

Mohamad Ridzuan Mohamad Puzi menyumbangkan pingat emas bersejarah itu dalam acara 100m T36 lelaki (cerebral palsy) selepas mencatat masa 12.07 saat, sekali gus memadamkan rekod Sukan Paralimpik 12.25s milik Roman Pavlyk dari Ukraine yang dilakukan di Beijing, pada 2008.

Selepas itu, pemenang pingat gangsa pada Sukan Paralimpik 2012 di London, Muhammad Ziyad Zolkefli mencipta rekod baharu dunia dalam acara lontar peluru F20 lelaki (masalah pembelajaran) dengan jarak lontaran 16.84m

untuk pingat emas kedua negara.

Abdul Latiff Romly meneruskan langkah cemerlang itu apabila meraih pingat emas ketiga Malaysia selepas memecahkan rekod dunia dalam acara lompat jauh T20 lelaki (masalah pembelajaran) dengan jarak lompatan 7.60m.

Sementara, Siti Noor Radiah Ismail menghadaikan pingat gangsa menerusi acara lompat jauh wanita T20 (masalah pembelajaran) dengan rekod baharu Sukan Para Asia menerusi lompatan sejauh 5.20m, mengatasi catatan rekod lama 5.10m.

Pencapaian tiga pingat emas dan satu gangsa itu meletakkan Malaysia di kedudukan ke-36 dalam kalangan 170 negara yang menyertai temasya Paralimpik Rio.



LBR: MPK optimis lepassi pusingan pertama

SHAH ALAM - Majlis Perbandaran Klang (MPK) optimis melepasi pusingan pertama Liga Bola Sepak Rakyat (LBR) pada penyeritaan julung kali.

Setiausaha MPK, Adi Faizal Ahmad Tarmizi merangkap presiden kelab yakin pemain dipilih mampu mengangkat nama MPK ke peringkat lebih tinggi.

"Sebelum ini MPK lebih senonim sebagai badan menyelia isu sampah dan banjir, namun kali ini kita mahu tampil dengan imej bola sepak," lapor Sinar Harian.

Beliau berkata demikian pada majlis penyeritaan



han surat perlantikan jawatankuasa bola sepak MPK dan sesi memperkenalkan pemain bola sepak LBR di Klang, baru-baru ini.

Mengakui pasukannya pendatang baru dalam arena bola sepak, Adi percaya MPK mampu memamerkan imej terbaik dalam dan luar padang.

Mengulas prestasi anak



buahnya, Adi berkata, bari-san pemain kini bersemangat memulakan saingan walaupun baru sebulan dikumpulkan pada sesi pemilihan.

Musim ini, MPK dibarisi 30 pemain yang majoritinya berasal sekitar Klang dan dibimbing pemain kebangsaan, Asmawi Bakiri.

MPK memulakan kempen bertandang ke tempat lawan berdepan Paya Besar, wakil dari Pahang, pada 1 Oktober lalu.



OLEH HAFIZAN TAIB

Tebus kekalahan

SHAH ALAM - Pengendali The Red Giants, K Gunalan yakin Selangor kembali cemerlang ketika menentang T-Team dalam separuh akhir pertama Piala Malaysia, pada 1 Oktober ini.



Katanya, walaupun kekalahan 1-0 kepada Perak dalam aksi Liga Super di Stadium Shah Alam, pada 24 September lalu pahit untuk ditelan, namun ia tidak melemahkan pasukan untuk bangkit mencabar bagi mempertahankan kejuaraan piala berprestij negara itu.

"Walaupun persembahan baik ditampilkan, ternyata Perak lebih baik dan berkesan.

"Bagaimanapun, saya tidak menyalahkan pemain kerana mereka melakukan yang terbaik untuk pasukan dan sebelum ini gigih berusaha mara ke separuh akhir Piala Malaysia," katanya.

Dalam perlawanan itu, Selangor tewas kepada Perak hasil jaringan sendiri pertahanan import, Ugo Ukah yang cuba menyelamatkan bola tendangan Nasir Basharudin di depan pintu gol.

Gunalan berkata, kegagalan menjarangkan gol menyebabkan usaha Selangor mengukuhkan kedudukan dalam liga tidak berhasil, namun beliau yakin

Kita akan memotivasi pemain dalam usaha meningkatkan keyakinan untuk mencipta kemenangan dalam separuh akhir pertama Piala Malaysia ini kerana hanya ini satu-satunya kejuaraan yang tinggal untuk dipertahankan

K GUNALAN

Pengendali The Red Giants

pemain akan kembali dengan aksi terpuji ketika berdepan T-Team nanti.

"Saya yakin keputusan ini tidak menjelaskan pemain kerana ia kekalahan tipis dan mereka tahu betapa mustahaknya perlawanan dengan T-Team, tambahan bermain di tempat sendiri.

"Kita akan memotivasi pemain dalam

usaha meningkatkan keyakinan untuk mencipta kemenangan dalam separuh akhir pertama Piala Malaysia ini kerana hanya ini satu-satunya kejuaraan yang tinggal untuk dipertahankan," katanya.

Sebelum ini, Selangor beraksi dalam suka akhir kedua Piala Malaysia menentang PKNS FC pada 17 September lalu dan menang 1-0, sekali gus layak ke separuh akhir dengan agregat 5-3.

Dalam saingan liga pula, Selangor mempunyai satu lagi perlawanan menentang Johor Darul Ta'zim, pada 24 Oktober ini.



Selangor jatuh ke tangga kelima

SHAH ALAM - Selangor berputih mata apabila dikalahkan Perak 1-0 dalam perlawanan Liga Super di Stadium Shah Alam, di sini, pada 24 September lalu.

Perak mendapat gol kemenangan itu hasil jaringan sendiri pemain pertahanan import The Red Giants, Ugo Ukah yang cuba menyelamatkan bola tendangan Nasir Basharudin di depan pintu gol, pada minit ke-48.

Juara Piala Malaysia itu nyata gagal menyaingi cabaran skuad kendalian Karl Heinz Weigang pada separuh masa kedua yang rancang menyerang apabila perlawanan bersambung.

Walaupun The Red Giants banyak mencipta peluang, namun gol dicari gagal diperoleh.

Skuad bimbingan K Gunalan mengasak kubu lawan dari awal permainan dan Patrick Ronaldinho Wleh (m10) nyaris menanduk masuk gol tetapi sipi.

Begitu juga beberapa percubaan selepas itu yang tidak berhasil melalui ketua pasukan, Andik Vermanshah dan yang lain hingga tamat separuh masa pertama.

Gol diperoleh Perak dua minit selepas



separuh masa kedua bermula memberikan kelebihan kepada pasukan pelawat yang berjaya mengawal perlawanan dengan baik.

Selangor cuba bangkit daripada ketinggalan dengan mengatur serangan

ke kubu Perak tetapi pertahanan lawan kental bertahan.

Lapan minit sebelum tamat perlawanan, Selangor terpaksa bermain dengan 10 pemain apabila Ukah dilayang kad kuning kedua seterusnya kad merah

selepas mengasari penyerang Perak.

Kekalahan itu mengecewakan Selangor yang jatuh ke tangga kelima liga berkongsi 28 mata dengan Kelantan di kedudukan keempat hasil perbezaan gol.

KEDUDUKAN LIGA SUPER									
Kedudukan Terkini 27 September 2016									
	P	M	S	K	J	B	Mt		
1	JDT	21	17	4	0	54	13	55	
2	Felda UTD	21	13	4	4	47	26	43	
3	Kedah	21	10	7	4	29	26	37	
4	Kelantan	21	7	7	7	35	31	28	
5	Selangor	21	7	7	7	27	25	28	
6	Perak	21	7	6	8	27	28	27	
7	T-Team FC	21	7	5	9	29	33	26	
8	Sarawak	21	5	6	10	20	39	21	
9	PDRM	21	5	6	10	20	30	21	
10	Pahang	21	5	5	11	21	40	20	
11	Pulau Pinang	21	4	7	10	31	37	19	
12	Terengganu	21	5	4	12	21	43	19	